



Parti Caribense di Reino ta fungi como base pa tanker cu petroleo di Rusia y Iran



Pagina 2

- Pueblo ta keda dudoso tocante proyecto di renobacion na San Nicolas

Pagina 4

- Opera tour pa turista y hasta local ta algo delicado cu ta rekeri hopi profesionalismo

Pagina 3

- Impacto di awasero intenso y riesgo di inundacion urbano

Pagina 6

Sarah-Quita Offringa un biaha mas campeon mundial di Slalom-X



Pagina 14

Corsou: Parlamento ta duda aplicacion di ley contra terrorismo



Pagina 8

Asesino mas busca di Chile a yega Peru despues cu eror a lag'e den libertad



Pagina 11



Win and
EXPLORE
The World
JULY 1st - AUGUST 30th, 2025
\$50,000 IN TOTAL PRIZES
DRAWINGS EVERY SATURDAY STARTING AT 9:30PM

THE CASINO AT
THE RITZ-CARLTON
ARUBA

Caribbean Speed Printers ta enfatisa:

Exclusivamente empleadonan cu ta aparece riba Colofon so ta representa Bon Dia Aruba, Aruba Today y Aruba Vandaag

Recientemente, a yega na nos conocimiento informacion preocupante cu tin trahador di otro medionan di comunicacion y/of empleado, cu ta presentando nan mes publicamente como trahador di Bon Dia Aruba, Aruba Today of Aruba Vandaag. Nos kier enfatisa fuertemente cu e unico personanan cu ta traha pa nos corantnan, y ta autorisa pa representa nos compania, ta aparece riba e Colofon di cada corant.

Ningun persona otro cu trahadornan di Redaccion, cu nan number ta riba Colofon, por busca informacion, haci entrevista, of atende evento den number di Bon Dia Aruba, Aruba Today of Aruba Vandaag. E empleadonan riba Colofon so ta traha pa nos corantnan.

Bon Dia Aruba, Aruba Today y Aruba Vandaag no ta para responsable pa ningun contenido of informacion comparti cu persona cu no ta traha pa nos compania.

Segun website investigativo, Follow the Money: Parti Caribense di Reino ta fungi como base pa tanker cu petroleo di Rusia y Iran

Autoridadnan occidental ta hayando dificil pa evita efectivamente exportacion di petroleo di Rusia y Iran. Mediante un “flota scondi” di tanker, ambos pais ta evadiendo sancionnan internacional – hopi biaha literalmente door di nabega bao bandera falso. Un investigacion di Follow the Money ta revela cu Hulanda ta para na banda sin por haci nada mientras alrededor di 90 tanker ta bula falsamente e bandera di Aruba, Corsou of Sint Marten – paisnan parti di Reino Hulandes, pero sin nan propio registro oficial di barco.

Maske Sint Maarten, Aruba y Corsou no por emiti registro legal di barco, al menos nobenta tanker di petroleo y gas actualmente ta bula bao nan bandera. Esaki ta registracionnan falso, yudando fuel un red masivo y ilegal di contrabando. Aproximadamente tres cuarta parti (73 di e 92 barco identifica) ta transportando petroleo di Iran of Rusia. Casi mita (39) ya ta riba lista di sancion Occidental.

Cada cargamento ta bal decenas di mirones di dollar, y segun Departamento di Tesoro Mericano, e placa hopi biaha ta yega gruponan manera Hezbollah, e Guardia Revolucionario Irani, e rebeldenan Houthi na Yemen, y hasta e mashin di guerra Ruso.

Pasobra e islanan di Caribe en cuestion ta parti di Reino Hulandes, e operacion aki cu bandera falso ta mancha e reputacion internacional di Hulanda, a pesar cu e gobiernonan no tin control riba e barconan aki.

Barconan sin registro valido y sin bandera reconoci ta efectivamente sin estado. Esaki ta nifica cu no por sigura nan, nan ta opera sin supervision maritimo, no ta suheto na inspeccion

di seguridad, y ta presenta un riesgo ambiental y di seguridad.

En efecto, esakinan ta bom flotante. Desde 2012 (Iran) y 2022 (Rusia), mientras sancionnan a bira mas fuerte, contrabandistanan a cuminsa usa “bandera di conveniencia” emiti pa estadonan cu aplicacion maritimo debil – manera Gabon, Palau y Togo. Mientras cu e paisnan aki ta rekeri pa check cumplimiento, aplicacion ta poco exigente. Loke ta nobo y alarmante ta e cambio na pais of teritorio manera Sint Maarten, cu absolutamente no tin registro di barco. Toch tanker ta nabega cu documento bisando cu nan ta registra eynan.

Inspector di Sint Maarten: “Cos a bira hopi malo”

“Prome, estafadornan a falsifica certificado di marinero,” segun Paul Ellinger di e inspeccionado di barco na Sint Maarten. “Awo nan ta registrando barconan completo: tanker di petroleo, barco di carga”, tur tipo di barco.

Ellinger ta enfrentando cada bes mas pregunta di autoridadnan internacional. Su oficina ta ricibi reportahenan tocante tankernan supuestamente registra na Sint Maarten, mientras su isla no tin manera pa emiti documentonan asina.

Un mercado pa registro falso E aumento skerpi den barco cu bandera falso ta en parti un resultado no intencional di aplicacion occidental. Mientras Union Europeo y Merca ta pusha paisnan pa no registra barconan sanciona, paisnan cu antes tabata permiti barco pa registra bao di su bandera, manera Panama, a deslista mas cu 100 barco. Pero esaki simplemente a pusha doñonan di barco den mercado di fraude.

Segun Organizacion Maritimo

Internacional (IMO) di ONU, e cantidad di barco bao bandera falso a aumenta na 222 den apenas dos aña.

“Nos a sanciona di mas,” segun consultant di seguridad maritimo, Ian Ralby. “Nos a crea un mercado paralel. Door di castiga Rusia, Iran y otronan fuera di estadonan bandera regula, nos a pusha nan den sombra.” Un “estado bandera” ta e pais bao cual su ley un barco ta registra, bulando su bandera oficialmente. Basicamente, e ta e nacionalidad oficial di un barco.

MSTA: Fabrica di fraude

Den centro di e fraude tin un compania yama MSTA (Maritime Safety & Technical Administration). E ta bisa di ta basa na Beverly Hills, California – pero registro y comunicacion ta sugeri cu e operacion ta opera for di India.

Entre mei 2024 y juni 2025, MSTA a emiti registracion pa 76 tanker, di cual 40 porciento ya tabata sanciona na momento di e registracion.

MSTA tambe a bende certificado di competencia falso na al menos 60 marinier di India, Azerbaijan y Turkia, dunando nan permiso pa traha den barco nabegando bao bandera di Sint Maarten.

Un victima, capitan Kypros Kolios di Cyprus, a bisa cu el a paga \$2,750 pa documento, pero no a ricibi nada.

Barconan notorio den e flota scondi ta inclui James II, un barco 20 aña bieu cu anteriormente tabatin bandera di Tanzania. Desde mei 2024, e tin bandera di Sint Maarten y ta transporta petroleo entre Iran y China.

Canis Power, bendi pa un compania Griego pa \$21 miron na 2023, despues a drif sin coriente cerca di awanan Danes,

transportando petroleo Ruso. El a pasa den dos cambio di number y cuatro cambio di bandera, terminando su bida como “Dhezi” na Alang, India. Legacy 2: Registra na juni 2025, recientemente a bay den un ruta clasico di contrabando: a piki petroleo Irani na Estrecho di Hormuz, y a entreg’e na refinarianan Chines conoci pa ignora sancion.

Algun barco, manera e Metagas Everest y Pioneer, ta propiedad di compania Ruso, Arctic LNG 2 y ta sanciona pa Union Europeo y Reino Uni.

E berdadero doño di hopi di e barconan ta scondi tras di decenas di compania falso den Emirato Arabe Uni, Hong Kong y Malaysia. Varios ta vincula na Sepehr Energy, un compania estatal Irani sanciona na november 2023 pa facilita transport ilegal di petroleo.

Algun barco mara na MSTA ta conecta na Sa’id al-Jamal, un comerciante naci na Yemen, awo basa na Iran.

Segun autoridadnan Mericano, e ta usa un red compleho pa manda azeta Irani na Asia y Africa, canalizando e ganashi na Hezbollah, e Guardia Revolucionario Irani, y e rebeldenan Houthi.

MSTA tambe ta parce di ta tras di registronan falso pa Matthew Island (un isla den Pacifico perteneciendo na Francia), East Timor y Laos (un pais sin acceso na lama). E supuesto websitenan di registro di barco pa e “paisnan” aki tur ta redirigi na e website di MSTA, “Registro di barco di Sint Maarten” – atrobe listando un adres na Beverly Hills.

Respuesta debil di gobierno Hulandes

Na april 2024, Hulanda a adverti IMO tocante certifica-

donan fraudulento cu ta bisa di bin for di Sint Maarten. Na januari 2025, explicitamente a nombra MSTA. Pero e advertencia a yega mucho laat: ya pa e tempo ey, MSTA a expande den registro di tanker.

Ministerio di Infraestructura Hulandes ta admiti cu nan no sa cuanto documento falso ta existi, y nan no tabata na altura cu mayoria di e tanker involucra ta pertenece na e flota scondi cu ta evadiendo sancion.

“Tur teritorio di Reino ta cada bes mas plaga pa certificado falso,” segun un vocero di e ministerio.

Di su banda, IMO ta bisa cu e paisnan mes mester tuma accion. Pero experto Ian Ralby ta critica IMO pa no tin blacklist of whitelist, cu ta hacie mas dificil pa detecta fraude.

Paul Ellinger di Sint Maarten ta bisa cu decenas di marinier estafa pa MSTA a acerca nan pa ayudo. “Esaki ta dañando e number di nos pais. Y ya cu nos ta parti di Reino Hulandes, ta mancha henter e Reino.”

Experto di ley maritimo, Frank Stevens di Universidad Erasmus ta di acuerdo. “Esaki por bira un problema mayor pa gobierno Hulandes. Estadonan bandera legitimo no kier estafadornan bendiendo nan bandera.”

Pero e ministerion Hulandes ta keda relativamente sin preocupacion. “E hecho cu nos ta reportando fraude activamente ta mehora nos reputacion den e sector aki.”

Nan tambe ta insisti cu e responsabilidad di cumplimiento ta cay riba Sint Maarten mes – un posicion reta pa e isla, cu ta bisa cu no tin capacidad pa investiga crimen fuera di su fronteranan.

Potret di ilustracion.



Opera tour pa turista y hasta local ta algo delicado cu ta rekeri hopi profesionalismo

Recientemente nos a tuma nota di un tour cu localnan comun ta promoviendo riba rednan social manera TikTok, unda ta ofrece hiba hende na par-tinan “secreto” di Aruba.

Den turismo, un tour tipicamente ta un trip aregla di antemano y organisa cu ta inclui un itinerario planea y servicionan specifico. Un tour por ta algo cu guia of sin guia, y tin un gran variedad di proposito y duracion.

Loke generalmente ta consti-tui un tour ta un secuencia di destino of atraccion pa bishita y por inclui actividadnan manera experiencianan cultural, eventonan recreacional of simplemente bay wak un sitio.

Un tour por tin varios componente manera transportacion, sea via van, bus, trein of boto, acomodacion manera hotel, resort, cuminda cu por ta parcial o completamente inclui, servicionan di guia y e ticketnan di entrada na cierto actividadnan.

Esaki por tuma luga tambe den grupo of den priva y por tin un variedad di proposito manera por ehempel pa pasa bon, pa enrikece conocimiento cultural, educacion, aventura, cu proposito religioso of te hasta negoshi. Den e caso specifico aki, ta trata di un persona (o grupo di persona) cu ta ofrece transportacion via un boto chikito na un parti aparta of “scondi” di un lama, elogiando e area aki como un parti “secreto di Aruba.” E servicio ta inclui hiba e clientenan na e sitio y pasa tempo ey unda nan por landa o simplemente admira e paisahe.

A simple bista esaki por parce di ta algo inofensivo, sinembargo tin cierto puntonan tras di esaki cu ta trece duda y posible causa di preocupacion. Pa cuminsa, un guia turistico o persona cu ta duna tour ta haci mas cu hiba hende un caminda of duna informacion, nan ta crea un experiencia cautivador cu ta permiti e turistanan of cliente comprende y aprecia e esencia di e luga.

Pa medio di comparti conocimiento profundo, comparti anecdotan local y responde na preguntanan cu experticio, nan ta garantisa cu cada cliente ta sali for di e tour cu recuerdonan pa henter bida ademas di un conocimiento y



aprecio nobo.

Ademas di esey, un guia turistico mester di e training y habilidadnan necesario pa lidera e grupo mientras tambe ta capacita pa maneha situacionnan o desafionan impre-visto. Sea cu e ta un emergencia medico, cambianan inespera den tempo of cualkier evento inespera, un guia cu training ta e persona riba ken e clientenan ta depende pa tuma accion decisivo. E trabao di un guia turistico ta uno cu compromiso na seguridad y profesionalismo cu na su turno ta brinda tranquilidad y confiansa na e clientenan cu ta confia cu nan ta den bon man.

Brinda tour sin e training o habilidadnan necesario aki ta crea un peligro grandi no solamente na e bida di e clientenan, pero tambe e bida di e guia turistico mes.

Aunke e por zona comosifuera algo facil cu cualkier persona por haci, e ta keda un prioridad primordial pa tin e training adecua y ta un persona capacita pa ehecuta e tour.

Di otro banda, tambe nos ta encontra cu e tema di legalidad. Un tempo pasa, Bon Dia Aruba a publica un articulo unda nos a trece dilanti cu na nos mesa di redaccion a drenta informacion tocante un situacion cu ta involucra e actividad di core cabay (horseback riding) riba beach, cual ta prohibi pa ley. Segun e informacion, tin un operador di tour na Aruba cu publicamente ta haci propaganda pa e actividad aki y tin hasta potretnan di personanan riba cabay ta core riba beach.

E tempo aki un persona anonimo a reporta, mediante un e-mail na DNM, cu e operador di tour aki ta ignora ley y ta ofrece e actividad di core cabay riba beach. Den e e-mail, cual a yega na mesa di redaccion di Bon Dia Aruba, ta splica cu riba e website di

door di bay mainta trempan, nan ta haci propaganda – di mesun manera cu e tour menciona na comienso di articulo ta haci riba TikTok – abiertamente di e tournan aki henter dia sin tene cuenta cu loke ley ta bisa, y a hasta lanta un billboard riba caminda grandi di Savaneta pa Oranjestad haciendo propaganda pa un Beach Ride cu un potret completo di siete cabay cu persona riba e santo di beach.

DNM na su turno a informa publico cu publico en general y specialmente operadornan di tour y turistanan tocante e regulacionnan vigente cu ta prohibi coremento cu cabay riba nos beachnan blanco y pristino. Esaki no a bini como sorpresa pa motibo cu e ley ta data desde 1987.

E interes a lanta cerca nos bishitantenan a causa di e promocionnan cu nan ta topa di tournan cu ta lanta duda. Den e tempo aki, nos a enfatisa cu ta importante pa tur hende ta consciente di e ley-nan aki, cual ta inclui e Landsbesluit openbare wateren en stranden y e Algemene Politie Verordening (APV). Den e caso aki, den e articulo 25 di e Landsbesluit ta stipula claramente cu ta prohibi pa core cu cabay (trekdier) riba beachnan (stranden). Ademas, articulo 42 di e Algemene Politie Verordening ta specifica cu tin sancionnan mara na incumplimento di e articulo menciona.

Desde e tempo aki, DNM a ricibi keho indicando cu tin compania, operador y/of tra-

hado cu no ta mantene nan mes na e leyman. Pa e motibo aki, nos a enfatisa e importancia di respeta e regulacionnan aki pa proteha nos naturalesa y medio ambiente y ta bolbe trece esaki dilanti. A causa di algun duda cu e tour ofreci riba TikTok a trece dilanti, entre nan e legalidad di esaki, Bon Dia Aruba a acerca Parlamentario Dangui Oduber, y a dirigi algun pregunta tocante esaki.

Entre e preguntanan cu nos a haci, nos a puntra si tin reglanan y requisito cu mester cumpli ora di kier cuminsa duna tour, of si ta e caso cu esaki pro ser haci pa cualkier persona? Ademas, a puntra si esaki por ser duna na of cubri cualkier parti di nos isla. Tambe a puntra si tin un autoridad cu ta supervisa e sector di tour cu ta mantene bista riba e operadornan of trahadonan di esaki.

Te cu ciere di e edicion aki nos no a logra haya un contesta, sinembargo nos lo keda pendiente pa asina cu e parlamentario contesta nos por trece e informacion y contestanan ricibi na nos lectornan.

Ta importante pa tene un mente critico ora di mira cierto cosnan lanta riba nos isla. Aunke berdad, ta importante pa nos localnan cuminsa involucra den turismo pa asina esaki por tin un impacto positivo y directo riba nos comunidadnan, tambe ta primordial pa haci esaki di acuerdo na ley y cu e hermentnan y capacidad adecua y necesario pa garantisa e seguridad di tur esnan cu participa den esaki.



Pueblo ta keda dudoso tocante proyecto di renobacion na San Nicolas

Den e ultimo dianan a surgi varios comentario riba Facebook tocante e proceso di construccion cu ta andando actualmente den area di busstacion na San Nicolas, unda luna pasa a cuminsa cu e prome fase di e proyecto di revitalisacion di San Nicolas. Pueblo ta keda expresa nan frustracion tocante e cambio cu nan ta considera innecesario y e peligro cu esaki por trece pa bishitantenan den e area.

Dia 9 di juni, gobierno di Aruba a anuncia e comienso oficial di e proyecto di revitalisacion den area di San Nicolas, unda minister Arthur Dowers—e tempo ey ainda encarga cu cartera di Infraestructura—y minister di Finanzas Geoffrey Wever a presencia e apertura oficial di e proyecto riba B. vd.Veen Zeppenfeldstraat. Den un comunicado di gobierno publica e mesun dia, a enfatisa cu e proyecto aki ta forma parti di gobierno su vision pa “pa mehora e calidad di bida di e habitantenan di San Nicolas”. A divulga cu e proyecto aki lo mira varios trabao di revitalisacion, incluyendo renobacion di caminda, cayanan y espacionan comun; promocion di desaroyo economico local; impulso di turismo y comercio y inclusion di tur ciudadano den e rikesa di nos Pais.


Sinembargo, e proyecto aki ya ta enfrentando un ola di critica y preocupacion for di ciudadanonan.

Aunke den e ultimo añanan tabatin apelacion amplio pa

duna San Nicolas su mercedo atencion, varios ciudadanonan a expresa recien cu varios aspecto di e proyecto no ta duna gran contribucion na e ciudad manera ta anticipa. A menciona por ehempel cu e renobacion di e caminda den e area menciona ta innecesario. Algun ta enfatisa cu en bes di renoba e pida caminda entre busstacion di SETAR N.V., mester a haci renobacion di caminda mas pariba den mainstreet di San Nicolas. Otronan ta preocupa cu esaki por tin consecuenecianan negativo pa Carnaval, di cual ta conoci cu SMAC ta usa e ruta ey pa organisa varios parada, specialmente e Parada Grandi di San Nicolas. Manera un usuario a bisa: “Construccion ta fatal pa carnaval, sea ta modifikele of mester busca ruta alternativo pa carnaval. Si lage manera e ta wordu construi actualmente ningun trailer lo por tuma e birada ey.”

Sr. Hilario Doncker, un voz conoci den sociedad cu sa boga pa San Nicolas, a acerca SMAC pa cu e situacion aki, unda segun e, presidente Darren van Ommeren a splica cu SMAC no tabatin ningun participacion den e plan di revitalisacion. A sigui splica cu si e proyecto aki lo causa un necesidad pa cambia ruta di Carnaval den futuro—cual por resulta cu carosanan no por pasa den e parti di e caya ey—SMAC lo no por carga e responsabilidad aki.

Di su banda, minister Wever a publica un comunicado den cual el a sigura cu e proyecto di revitalisacion “lo tin solamente resultado positivo pa



San Nicolas.” Den su comunicado, minister Wever ta reconoce e preocupacionnan di ciudadanonan pa loke ta trata e tamaño di e caminda. Pa esaki, el a splica cu desde comienso a tuma consideracion di varios aspecto importante, incluyendo e ruta di Carnaval. Pa esaki, minister a sigura cu e caminda no lo causa ningun disturbio pa carosa ni participantenan den carnaval.

Tambe el a atende e preocupacion cu e caminda di B. vd.Veen Zeppenfeldstraat pa Caya Captain Rogers lo ta un ‘een-richtingsverkeer’, clarificando cu esaki no ta e caso y cu lo mantene e caminda como uno di dos direccion. Asina mes, ta aparente cu algun ciudadano ainda ta reserva nan duda riba e birada aki. Den un publicacion recien riba red social, un usuario a muestra con e trafico ta sinti awor cu e ta smal. Den su publicacion, e usuario a expresa cu pa pasa riba e caminda den auto di famia ta posible ainda sin peligro cu esaki lo dal contra un otro banda di dje. A nota cu e caminda en berdad ta sinti mas smal, y e usuario a cuestiona si trucknan lo tin dificultad pa pasa riba e caminda. Un otro usuario tambe a bay investiga riba su mes con trafico ta cana awor. Den su video publica riba Facebook, por a mira un truck di bombero coriendo riba e caminda bayendo ariba, cu dos auto biniendo di direccion contrario. Por a mira cu e dos autonan a desvia for di e caminda renoba, pasa den e busstacion, y a sali na e otro banda pa asina evadi pasa banda di e truck. Mester

nota cu e truck di bombero no tabatin luz ni sirena cendi, pues pa desvia no tabata necesario, sino ta parce cu esaki ta resalta e duda cu ciudadanonan tin ainda pa pasa riba e caminda smal aki.

Un otro punto tabata siguridad riba e birada bayendo Caya Captain Rogers. E mesun usuario aki a publica un otro video den cual por mira varios bus saliendo for di e stacion y lora drenta Caya Captain Rogers. Ta conoci cu busnan, ora ta tuma biradan an skerpi, mester tuma mas espacio for di e otro banda pa por haci un birada sigur. Den e video por a nota cu awor biradanan bay ariba ta tuma henter e espacio di trafico contrario, cual por crea un situacion peligroso. Tambe

por mira con cerca e bus tin cu pasa banda di e ‘side walk’ nobo den e birada. E doño di e video aki ta expresa su frustracion, subrayando cu e side walk ta crea mas riesgo cu beneficio pa peaton y chauffeur pasando den e area.

Tur esaki ta resalta e falta di confianza atrobe di pueblo pa gobernantenan cu ta campaña pa mehora San Nicolas. Gobierno a comparti cu e vision pa e proyecto aki ta pa traha un vierbaansweg, restaura monumentonan y e reanimacion di turismo cultural, pero mirando cu ya e prome fase aki a trece su criticonan, ta parce cu e plan aki ta exhibi cierto duda.

Potretnan di usuario Alison Williams riba Facebook.



Editor

Caribbean Speed Printers N.V.
Aruba Bank N.V. Acc. #332668
Caribbean Mercantile Bank N.V.
Acc. #23951903
RBC Royal Bank Acc. #13307728

Operations Manager

Mariette Engelhart

Redaccion

noticia@bondia.com

Pilar Flores (hefe di redaccion)
Angenette Figueero (closer editor)

Leo Maduro
Delma Arends
Raisa Montilla
Oriana Geerman

Ehecutivo di Benta

Sulaika Croes
sulaika.croes@cspnv.com
Mark Gomes
mark.gomes@cspnv.com

Aviso y Arte

Sandra Loefstop

Lisa Tromp

Departamento Digital

Juan Luis Pinto

Administracion
accounting@bondia.com

Martha Arteta de Ariza

Distribucion

Jenny Kelly

Coleccion

Evelinda de Cuba - Tromp

Pre Press

Luis Fernando Arenas (Hefe)
Pablo Libre

Press

Roland Schenker (Hefe)
Omar Ramirez
Martin Boekhoudt
Francis Dirks

Colaboracion

Associated Press
Ret Karibense
Data Key

Afiliacion

Sociedad Interamerica
di Prensa (SIP)

DIRECCION

Adres: Weststraat #22
Tel: 582-7800
Email: noticia@bondia.com
aviso@bondia.com
info@bondia.com
Website: www.bondia.com
Facebook: @bondianoticia
Instagram: bondiaaruba

BON DIA ARUBA ta un corant redacta y imprimi na Aruba y ta obenibel di dialuna te cu diasabra. Ningun contenido por wordo reproduci sin permiso di editor.

Rumornan cu ta secuestrando Arubiano na Venezuela

Cambio di conseho di biahe pa Venezuela ta duna espacio pa speculation

E anuncio di Ministerio di Exterior Hulandes, cu a cambia su conseho di biahe pa Venezuela na nivel cora, recomendando pa no biaha na e pais pa ningun motibo, a genera incertidumbre y curiosidad na Aruba.

Esaki pasobra no a duna ningun motibo pakico precies na e momento ey a dicidi di haci e cambio. Kico tabata e suceso cu a ocasiona un cambio asina? Riba rednan social, algun persona ta pensa ta pa motibo cu na Venezuela ta secuestrando ciudadanonan Hulandes, cobrando rescate hopi caro.

Rumornan riba rednan social ta adverti pa ciudadanonan di Aruba no biaha pa Venezuela, indicando cu Arubianonan a keda secuestra, y cu ta cobra sumanan enorme di placa pa nan liberacion.

Bon Dia Aruba no por a confirma un caso asina, pasobra probablemente e caso a keda resolvi di manera priva sin involucra autoridadnan oficial. Sinembargo, si tin algun caso confirma di ciudadanonan Hulandes cu a keda secuestra na Venezuela – y medionan di comunicacion regional tambe a adverti di e suceso.

Secuestro na man di estado Medio Hulandes, Trouw, e aña aki a reporta e desaparicion di un ciudadano Hulandes despues di su aresto na Venezuela.

E caso aki, di un homber di 32 aña di edad, di nacionalidad Hulandes, a desaparece na Venezuela despues cu el a keda aresta na aeropuerto di Caracas dia 24 di december 2024. El a biaha for di Lisbon pa bishita un amigo na Venezuela durante dianan di fiesta.

Ministerio di Exterior Hulandes a confirma cu ta den contacto cus u famia y ta ofreciendo sosten consular, pero no a duna mas detaye, citando regla di privacidad. Mientras tanto, autoridadnan Venezolano no a revela e motibo pa su aresto.

Segun Trouw y observadornan internacional, e caso ta fit den un patronchi preocupante: decenas di ciudadano



stranhero a keda deteni bao condicionnan sospecha como politico. NGO di derecho humano, Foro Penal ta describi detenidonan asina – incluyendo e turista Hulandes aki – como “rehen stranhero”, secuestra pa pone presion riba gobiernonan stranhero.

Manera ta conoci, relacionnan bilateral entre Hulanda y Venezuela ta tenso. Na januari, Venezuela a restringi e presencia di diplomatico Hulandes den su teritorio, pa loke gobierno Hulandes a retira algun di su propio personal.

E represalia diplomatico aki a sigui eventonan manera Hulanda ofreciendo pa alberga figuranan di oposicion Venezolano, y critica anterior di e reeleccion di presidente Nicolas Maduro.

E caso menciona pa Trouw ta parti di un patronchi mas amplio reporta pa NGO-nan manera Amnesty International y Human Rights Watch, unda autoridadnan Venezolano ta secuestra ciudadanonan stranhero, acusa nan di cargo dudoso, y despues nan ta desaparece.

Website di noticia Latino Americano, Infobae, a reporta cu “e practica di secuestra hende pa intercambia nan pa beneficio politico tin un

historia largo y ta patenta pa regimen Cubano. Maduro, como fiel discipulo, ta bin aplicando e mesun receta: detene stranhero, acusa nan di magnicidio, terrorismo of spionahe, y despues usa nan den negociacionnan como piesa riba un borch di ahedres.”

Esaki a keda constata e siman aki mes, na momento cu Venezuela a intercambia e stranheronan deteni den su prisonnan pa su propio ciudadanonan – algun di nan, acusa di pertenece na e gang violento, Tren de Aragua.

Januari ultimo, despues cu enviado di Trump, Richard Grenell a biaha pa Venezuela, a logra e liberacion di seis ciudadano Mericano a cambio di e licencia pa Chevron continua exportando crudo Venezolano.

Loke ta preocupante ta cu e administracion Mericano a bolbe drenta den e dinamica toximo di e regimen, unda ta secuestra ciudadano stranhero pa despues libera nan a cambio di algun beneficio. Algun tempo despues ta secuestra otro ciudadano, y ta reinicia e ciclo.

Secuestro na man di gruponan criminal Pero no ta solamente e tipo di secuestro “oficial” aki ta sucede na Venezuela. Tambe

tin casonan unda gruponan criminal, narcotraficante y paramilitar ta secuestra ciudadano stranhero como un manera pa financia nan operacionnan.

Venezuela ta entre e paisnan mas peligroso na mundo pa secuestro, atraco arma y robo di auto. Gruponan criminal organisa – incluyendo gang di caya operando den “zonanan di paz” y paramilitarnan pro-gobierno conoci como ‘colectivos’ – hopi biaha ta orkestra extorsion, secuestro, desaparicion forsa y hasta asesinato riba contract.

E ‘colectivos’ ta gruponan paramilitar pro-gobierno, hopi biaha usa pa suprimi disidencia, pero tambe ta participa den actonan criminal. Investigacion ta describi un coincidencia entre e paramilitarnan aki, guerrillanan Colombiano (ELN y disidentenan di FARC) y gangnan criminal, specialmente den regionnan fronteriso.

Na 2009 so, a reporta casi 17mil secuestro, maske cifranan oficial probablemente ta hopi menos cu e realidad.

Nacionnan Uni, gruponan di derechonan humano y e Observatorio Venezolano di Violencia, sinembargo, ta reporta cu hopi di e secuestronan no ta keda reporta.

Riba rednan social rumornan persistente indicando cu na Venezuela ta paga hopi placa pa secuestra Arubiano of ciudadanonan Hulandes, un rumor cu ta bira mas fuerte den e contexto actual.

Por considera por ehemplo e caso reporta weekend ultimo, di capitan Hulandes, Pim de Rhodes y tripulacion di su barco, N35, a desaparece despues di un encuentro cu marina Venezolano, y ainda ta desaparecido.

Y mientras cu e rumor di un cantidad di Arubiano secuestra no ta confirma, hecho ta cu si tin al menos dos caso di ciudadano Hulandes secuestra na Venezuela.

Y tanten cu Hulanda mes no confirma e motibo pakico a cambia e alerta di biahe, speculation ta continua.

Keda alerta pa estafa riba rednan social!

No click riba aviso paga (sponsored ad) cu ta usando imagen di Aruba Today.
Bishita solamente e pagina oficial di Facebook, Aruba Today News, of e website
www.arubatoday.com.

Si bo haya algun problema, nos t'ey pa yuda: bondia.aruba@gmail.com




CBA: Indice di Percepcion di Negoshi a baha durante e promer trimestre di 2025

Banco Central di Aruba (BCA) a conclui e encuesta di percepcion di negoshi pa e promer trimestre di 2025. E encuesta di percepcion di negoshi ta evalua e percepcion economico di e negoshinan local.

E asina yama 'Business Perception Index', cu ta consisti di e indicenan di condicion economico a corto plaso y condicion economico actual, a baha for di 107,8 den e cuater trimestre di 2024 te na 102,0 den e promer trimestre di 2025 (mira Grafico 1).

E indice di condicion economico a corto plaso y indice di condicion economico actual a baha cu 9,7 punto di indice y 2,7 punto di indice te na 98,1 y 105,1, respectivamente, den e promer trimestre





ter di 2025 (mira Grafico 2).

E expectativa pa locual ta crecimiento economico, mitar di negoshi encuesta ta anticipa un crecimiento economico flat den e siguiente 12 lunanan (mira Grafico 3).

Durante e promer trimestre di 2025, e porcentahe di negoshi encuesta indicando "ningun cambio" den empleo a subi cu 15,4 punto di porcentahe te na 52,1%. E porcentahe di negoshi encuesta

cu a raporta un "ganashi" a subi cu 12,2 punto di porcentahe te na 93,8% den e promer trimestre di 2025. E porcentahe di negoshi encuesta indicando "mehoracion" den e condicion economico actual di inversion a baha cu 7,5 punto di porcentahe te na 35,4% den e promer trimestre di 2025. Encuanto condicion economico a largo plaso pa e siguiente 12 lunanan, 43,8% ta anticipa cu e tasa di inflacion lo ta mas cu 3% den e promer trimestre di 2025.



E relato completo di e encuesta di percepcion di negoshi ta disponibel ariba website di BCA www.cbaruba.org

Impacto di awasero intenso y riesgo di inundacion urbano

Aruba ta sinti mas y mas e efectonan di cambio di clima. Ademas di aumento di calor y segura den ultimo 50 aña, Aruba tambe conoce impacto di yobida fuerte y awasero intenso, specialmente den ultimo decadanan. Estudionan ta muestra cu cambionan di clima y awasero ta birando mas extremo cu impacto severo riba infraestructura, inundacion den areanan urbano y diferente hogar.

Consejo Nacional di Resiliencia Climatico (NCRC) di Aruba ta continua cu esfuersonan pa identifica y atende cu e impactonan di cambio di clima na Aruba. Pa yuda tur hende compronde y prepara mihor pa e riesgonan aki, recientemente a lansa e "Climate Impact Atlas" di Aruba. E web portal nobo aki di clima ta duna informacion riba con cambio di clima ta afecta Aruba.

Data di ultimo 50 aña ta muestra cu Aruba a conoce varios temporada di awasero intenso causa door di yobida


torrencial acopla na tormenta tropical. Analisis ta muestra cu e intensidad di awasero a crece den ultimo decada. Esaki ta trece cu ne cu varios area ta keda inunda bou di awa. Ora e cantidad y intensidad di awasero (yobida cu ta cay pa ora) surpasa esaki cu un intensidad di mas cu 100mm/ora, e impacto riba infraestructura ta bira mas severo cu riesgo di inundacion di areanan comercial y urbano. Por ehempel, aunke horcan Ivan na 2004 a pasa pa nort di Aruba, asina ki mes awasero intenso a afecta comunidad.

Basicamente, ora Aruba experiencia awasero mas intenso, expansion infraestructural ta tranca funcionamiento optimal di nos sistema natural (di rooi y dam) pa absorba y carga e awa. Consecuencia ta cu awa ta tranca, causando daño na edificio y cas den diferente bario, caminda cera y deteriora, ya te hasta riesgo di perdida di bida. Falta di dreñahe natural y infraestructural tambe ta hunga un rol.

Estudio geografico riba e

webportal di "Climate Impact Atlas" di Aruba ta muestra cu tin varios zona y area cu ta keda afecta door di awasero intenso. Riba e mapa por wak esaki na color blauw cla te scur. E mapa aki ta muestra cua ta e areanan mas vulnerabel pa inundacion durante awasero intenso. E mapa ta muestra claramente cu awasero intenso tin un impacto riba varios edificio y cas (color cora riba mapa). Tambe ta wak cu transporte y movilidad ta afecta door cu camindanan ta inaccesibel (color cora riba mapa).

Door di sa cua ta e areanan mas afecta y vulnerabel, por planifica mihor, prepara di antemano y tuma accion na tempo pa reduci e impacto y mehora seguridad. Temporada di awasero intenso ta rekeri adaptacion di infraestructura y urbanisacion cu ta tene cuenta cu un clima mas extremo, nos medio ambiente y e manera cu naturalesa ta funciona. Anticipando intensificacion di cambio climatico ta nifica cu adaptacion basa riba naturalesa ta esencial,



ademas di considera manera mas eficaz di carga y cosecha awa.

E cambionan climatico aki ta subraya e necesidad urgente di strategianan di adaptacion pa proteha comunidad, infraestructura y medio ambiente di Aruba. A base di e evaluacion di e riesgonan y e im-

pacto climatico, e concentracion di NCRC ta riba e miho manera di forma responsabel y sostenibel pa Aruba prepara pa y adapta na diferente efecto di cambio climatico, incluyendo segura. Esaki ta pasonan vital den desaroyo di un strategia di resiliencia climatico nacional pa Aruba.

Hulanda: Norovirus ta un causa probabel di muchanan malo den speeltuin na Voorburg

(NLTimes)—Un brote di norovirus a ser confirma entre muchanan cu tabata hunga recientemente den Opa's Veldje, un speeltuin publico den Voorburg. Al menos 23 mucha a desaroya sintomanan cu ta coreponde cu un infeccion di norovirus, y autoridadnan di salud ta investigando si e sitio tabata e fuente di contaminacion, segun RTL.

E municipalidad di Leidschendam-Voorburg a anuncia cu norovirus a ser descubri den muestranan fecal di algun di e muchanan enfermo. E cantidad exacto di casonan confirma no a ser divulga. E muchanan cu ta sinti malo ta studiantenan na dos diferente scol primario den Voorburg. E servicio di salud municipal (GGD) a distribui cuestionarionan na

tur dos scol y tambe na mayornan pa rastrea e fuente y e escala di e brote.

Norovirus ta hopi contagioso y ta causa sintomanan gastro-intestinal manera sacamento, diarea, dolor di bariga, keintura, nausea y dolor di cabes. Segun e Rijksinstituut voor Volksgezondheid en Milieu (RIVM), e virus ta afecta mas o menos mei miyon persona anualmente den Hulanda y ta ser transmiti via contacto cu fecal of vomito infecta.

E brote a ser nota ora hopi mucha a cuminsa muestra sintomanan, incluyendo sacamento y diarea, poco despues di bishita Opa's Veldje durante un tempo calor na comienso di juli. "El a cuminsa cu sacamento," segun un mayor di un mucha di cinco aña y un otro

di tres aña, ken tur dos a cay malo despues di hunga na e sitio. Otro mayor, Dolf, ken ta biba banda di e speeltuin, a conta RTL cu "sigur mas cu 23 mucha" a bira malo.

Como precaucion, e municipalidad a cera un seccion di e speeltuin. Pero despues cu mas caso a ser reporta, henter e area a keda cera y a instala cura halto rond di dje. "Prome e tabata cera parcialmente. Awo tur e speeltuin ta cera cu baricadan-an halto," Dolf a bisa RTL.

GGD a tuma muestra di awa di bebe for di e fuente y e zona pa hunga cu awa dia 13 di juli. No a haya contaminacion den e muestra di awa ni den otro seccion di e speeltuin. Asina mes, a cera tanto e fuente di bebe como e zona pa hunga cu awa como medida preventivo pa preocupacion tocante posible contaminacion cu E. coli.

Specialista den malesa contagioso, Adam Anas di Erasmus MC a bisa cu brotenan di norovirus den zonanan pa hunga cu awa no ta algo inco-



mun. "Ta realmente straño cu ningun adulto no a cay malo, pasobra e ta un virus hopi contagioso," Anas a conta RTL. El a menciona cu tempo calor ta aumenta riesgo pa crecimiento di e virus den awa y lodo, agregando: "Si un mucha so cu un virus di stoma of pamper sushi hunga den awa, e ta suficiente pa contagia otronan."

Aunke zonanan pa hunga cu awa ta birando mas popular durante verano, RIVM ta bisa cu no tin ningun regulacion oficial tocante e calidad di awa

den e areanan ey. "E ta diber-tido y beneficioso pa desaroyo di mucha, pero tambe e tin su riesgonan," un vocero a adverti.

E municipalidad a enfatisa cu te awor, tur caso reporta entre mucha tabata envolvi sintomanan leve. GGD ainda ta analisando dato pa determina si e virus a bin for di e speeltuin. Lo tuma un decision final pa reapertura Opa's Veldje despues cu e investigacion keda completa, cual ta anticipa di ta mas despues den siman.

Greenpeace: Emision di fabricanan di plastic ta aumenta riesgo di cancer pa residentenan Hulandes



(NLTimes)—Mas cu 2,2 miyon persona na Hulanda ta biba dentro di 5 kilometer leu for di un fabrica cu ta produci plastic, y p'esey nan ta exponi na un nivel mas halto di contaminacion di aire, segun un rapport nobo di Greenpeace diamars. E contaminacion aki por causa condicionnan respiratorio manera asma y eventualmente por resulta den diferente tipo di cancer.

Residentenan local ta exponi na entre otro materia particula fini, oxido di nitrogeno, oxido di sulfur, y compuestonan organico volatil manera benceno. Varios estudio cientifico a haya un nivel mas halto di malesa manera cancer di pulmon y leukemia cu ta relaciona cu e emisionnan di e contaminan-tenan di aire aki.

Greenpeace International a investiga e emisionnan di fabricanan di plastic den 11 pais, incluyendo Hulanda, Alemania, Merca y Reino Uni. E organizacion ambiental despues a mira cuanto persona ta biba den cercania di e fabricanan.

Entre e paisnan investiga, Hulanda tin e porcentahe mas halto di poblacion exponi na substancianan dañino, principalmente pa motibo di su densidad di poblacion halto y e cercania di fabricanan industrial den zonanan urbano.

Greenpeace a calcula cu den e 11 paisnan investiga, mas cu 16 miyon persona ta bibando dentro di 5 kilometer leu for di fabricanan cu ta produci plastic. Merca tin e cantidad total mas grandi di hende cu ta bibando dentro e distancia aki for di un fabrica di plastic.



Council of Advice
Raad van Advies

VACATURE

De Raad van Advies nodigt kandidaten uit te solliciteren naar de functie van:

Juridisch Bestuursadviseur Raad van Advies

De Raad van Advies, een Hoog College van Staat, is het laatste adviesorgaan van de regering van Sint Maarten, met name voor wat betreft wetgeving. De Raad van Advies wordt onder meer gehoord over alle ontwerpen van landsverordeningen en van landsbesluiten, houdende algemene maatregelen, alsmede over voorstellen van rijkswetten en van algemene maatregelen van rijksbestuur.

Hoofdtaken:

De adviseur verricht wetenschappelijk onderzoek op juridisch en bestuurlijk werkveld. In de adviezen over ontwerpen van wet- en regelgeving wordt aandacht geschonken aan onder meer de kwaliteit van wet- en regelgeving. Hierbij wordt gekeken naar de beleidsmatige, juridische en wetstechnische aspecten.

Functie-eisen:

- Een afgeronde opleiding in de rechtswetenschappen op WO-niveau;
- Minstens drie jaar ervaring in een beleids-adviserende functie;
- Vaardigheid in het doen van onderzoek, het rapporteren van onderzoeksresultaten en het opstellen van adviezen;
- Affiniteit met wetgeving en kennis van de wetgevingstechniek;
- Inzicht in de bestuurlijke en maatschappelijke context van het functioneren van de Raad;
- Kennis van nationale en internationale regelgeving;
- Hoge graad van integriteit en discretie;
- Bezit van de Nederlandse nationaliteit.

Arbeidsvoorwaarden:

Het salaris bedraagt, afhankelijk van kennis en ervaring, minimaal XCG 8.232,00 en maximaal XCG 11.349,00 ofwel ca. €4.000 - €5.512 bruto per maand bij een 40-urige werkweek. De overige rechtspositionele regelingen voor het overheidspersoneel in dienst van het Land Sint Maarten, waaronder gedeeltelijke vergoeding van de kosten voor overtocht bij het woonachtig zijn in het buitenland, zijn van toepassing. Ook is er ruimte voor het volgen van relevante opleidingen en trainingen.

Gegadigden die denken te voldoen aan de functie-eisen kunnen hun sollicitatiebrief vergezeld van een curriculum vitae en fotokopieën van behaalde diploma's (incl. cijferlijsten) **uiterlijk 31 juli 2025** richten aan: De heer mr. J. I. Salomon, Secretaris Raad van Advies, E.C. Richardson Street # 13, Philipsburg Sint Maarten of via e-mail: jsalomon@coasxm.com. Ook voor nadere informatie over de functie en het volledige functieprofiel kunt u contact opnemen met de heer mr. J. I. Salomon, telefoonnummer +1 (721) 542 0953. Een psychologische test en/of een opdracht kan/kunnen deel uitmaken van de selectieprocedure.

Corsou:

Parlamento ta duda aplicacion di ley contra terrorismo



(Curacao.nu) – Parlamento di Corsou ta expresa preocupacionnan serio tocante implementacion y alcance di un amienda legislativo cu ta fortalece e combatiemento contra terrorismo. Den e rapport preliminar, varios partido ta cuestiona si e pais tin suficiente capacidad pa aplica e reglanan nobo, si e medidanan ta proporcional, y si nan tin cualkier consecuencia no intencional pa derecho civil y igualdad huridico.

Partido Nashonal di Pueblo (PNP) ta declara cu Corsou no tin experiencia cu gruponan terrorista y ta señala cu sociedad a keda “bendiciona” na eventonan grandi cu publico grandi y artistanan internacional.

E partido ta adverti cu articulo 1:202 di e Codigo Penal Hulandes, cu ta defini terrorismo como un crimen cu un obhetivo terrorista, ta laga espacio pa abuso. Como un ehempel, PNP ta cita e disturbionan na Fort Amsterdam na juni 2020, caminda nan ta argumenta cu instabilidad social no mester ser clasifica erroneamente como terrorismo.

Video Menasante

Fraccion di Movimiento Futuro Korsou (MFK) tambe ta cuestiona e definicion actual di terrorismo. Nan ta referi na conflictonan internacional unda, segun nan, violencia ta keda sin consecuencia huridico.

E partido ta puntra si mester redefinir e definicion, hustamente pa preveni trato desigual. MFK ta cita especificamente e ehempel di dos mucha homber di Corsou cu a ser tilda como terrorista despues di un video menasante.

E fraccion ta kere cu e cualificacion aki ta mucho severo y ta pidi minister di Husticia pa criterionan cla pa determina “intencion terrorista.”

Husticia di Clase

E fraccion di Partido MAN/PIN ta enfatisa e riesgo di husticia di clase. Bou di e proposicion, un detenido cu suficiente medio por paga fianza of ricibi un monitor electronico di enkel y sinta su castigo na cas.

Un otro persona menos rico lo mester sinta henter su castigo den detencion, hasta pa un ofensa relativamente menor manera horta un bleki di sardin.

E partido kier pa minister di Husticia desaroya e reglamento aki y presenta esaki na Parlamento, permitiendo pa debate riba husticia y aplicabilidad.

E grupo parlamentario Partido Alternativa Real (PAR) ta di acuerdo y ta yama e riesgo di desigualdad huridico inaceptabel. PAR ta kere cu e condicionnan pa fianza y monitoreo electronico mester ta explicitamente inclui den e ley pa evita arbitrariedad y discriminacion.

Varios partido tambe ta boga pa un mihor alineacion cu e realidadnan di Corsou. Gastonan di detencion – segun e grupo parlamentario di PNP, mas o menos 500 florin pa dia pa detenido – ta halto, mientras cu Wardacosta regularmente ta detene sospechosonan riba lama cu no tin conexcion directo cu Corsou. E grupo ta cuestiona si ta hustifica cu un poblacion di 150,000 mester carga e peso di detene sospechosonan stranhero.

Turismo

Tambe lo trata politica di turismo. MFK y PNP ta sostene aumenta e castigo pa ladroncia di turista, pero ta adverti cu e formulacion actual (“presente den e pais pa motibonan recreativo”) no ta cubri tur bishitante.

Nan ta argumenta cu nomadanan digital y bishitantenan di trabou ta ser exclui, loke ta conduci na un distincion cu ta tanto legalmente como economicamente indeseabel. E Consejo Consultativo tambe a recomenda un coreccion al respecto.

Finalmente, varios partido ta pidi atencion pa prevencion y reintegracion. Por ehempel, PNP ta defende mas recurso pa investigacionnan den casonan di ‘grooming’, e partido MAN-PIN ta referi na e atraso di compromisonan cu detenidonan pa loke ta trata trabou, comunicacion y oportunidadnan di bishita, y MFK ta declara cu ex-detenidonan mester ricibi mihor sosten na momento di nan reintegracion den sociedad.

Segun e gruponan parlamentario den nan totalidad, e leyman proponi mester ta ehecutable, proporcional, y legalmente sano. Nan ta pidi pa gobierno duna un informacion tecnico, un revision di implementacion, y un spliacion di tur e amiendan proponi prome cu vota riba e proyecto di ley.



Amsterdam ta bay instala trapi di pushi den canalnan pa scapa pushi di hogamento

(NLTimes) – Amsterdam lo instala trapinan special den su canalnan pa evita cu pushi y otro bestianan chikito hoga pasobra nan no por sali riba nan mes. E conseho di ciudad di Amsterdam a adopta un proposicion na e efecto aki door di e partido di bestia PvdD, Parool ta informa.

Segun miembro di conseho di PvdD, Judith Krom, cifranan di Amsterdam Animal Ambulance ta muestra cu 19 pushi a hoga den canalnan di Amsterdam durante e ultimo seis lunanan. El a propone pa pidi e Ambulance di Animal pa traha un mapa unda e hogamentonan aki ta sucede mas frecuentemente y instala

trapinan eynan, siguiendo e ehempel di Amersfoort.

Oficialmente, e trapinan ta ser yama sitionan di salida di fauna, pasobra otro bestianan chikito tambe por usa nan pa sali for di e canalnan. Segun Krom, e inversion necesario pa e trapinan aki ta desproporcional na e sufrimento di e bestianan y nan doñonan.

Krom a investiga y a haya cu e agenda di bestia di alcalde Zita Pels tin 100,000 euro reserva pa e sitionan di salida di fauna asina. E suma ey no a ser usa ainda.

Alderman Pels (di bienestar di bestia) a duna bon bini na e proposicion.

Ladroncia na sitio di reforestacion ta mina esfuersonan ambiental na St. Eustatius



(BESReporter) - Fundacion di Parkenan Nacional St. Eustatius (STENAPA) a informa un ladroncia na un di nan sitionan di reforestacion, caminda mas o menos ocho rol di waya di hekwerk berde cu un capa di PVC a ser horta entre 28 di juni y 1 di juli. E ladroncia a ser descubri dia 1 di juli y desde e tempo ey a ser raporta na polis.

E waya horta, importa especificamente pa restauracion di mondi nativo y no

disponibel den Caribe, a ser warda na un manera sigur. STENAPA a tuma nota cu un rato despues di e ladroncia, a mira hekwerk identico na e material cu falta cu a ser instala canto di un caminda publico.

STENAPA ta expresa su preocupacion cu e ladroncia ta mina esfuersonan di restauracion di medio ambiente impulsa pa comunidad y financia cu recursonan limita. E organizacion ta urgi esnan responsabel pa bin dilanti y compensa e perdida.

Hulanda ta priminti “contribucion substancial” na sistemanan Patriot pa Ucrania

(NLTimes) – Hulanda lo “contribui substancialmente” na e entrega di sistemanan adicional di defensa aereo Patriot na Ucrania, asina minister

di Defensa Ruben Brekelmans a bisa. Merca ta dispuesto pa manda mas di e sistemanan aki pa Ucrania, basta cu Europa paga.

Brekelmans a papia tocante e Patriots y otro sosten militar adicional cu su homologonan Ucrainiano y alrededor di 50 aliado, incluyendo Merca, di aluna atardi. Ucrania a urgi e Grupo di contacto di Defensa pa Ucrania (UDCG) aki pa probecha di e oportunidad awor cu presidente di Merca Donald Trump ta dispuesto pa provee mas Patriots. Hulanda ainda tin tres sistema Patriot pero ta bisa cu no por usa nan. E contribucion na e compra di armanan di defensa aereo pa Ucrania probablemente lo ta financiero. “E detayenan exacto di e contribucion Hulandes lo ser traha dentro di poco tempo,” ministerio di Defensa a bisa.

Hulanda ta colaborando cu NATO, cu ta coordinando e operacion, y cu Merca, cu ta responsabel pa provee Patri-

ots adicional. Tambe ta trahando cu otro aliadonan cu ta asistiendo.

“Nos ta spera di por anuncia mas di esaki pronto,” asina e minister demisionario Hulandes a bisa. E ta spera di por duna mas claridad e siman aki, si ta posibel. Alemania, cu a tuma e liderazgo den provee Ucrania cu Patriots rapidamente, a bisa cu mas informacion lo bin dentro di algun dia. Oficialnan militar di e paisnan participante lo sigui cu e discusionnan diaranson na e sede di NATO na Bergen.

Mesora a menciona Hulanda como un participante den e entreganan adicional, pero e gabinete demisionario na prome instante a usa un tono mas cauteloso. Defensornan di sosten di Ucrania di Nort Europa, incluyendo Hulanda, kier pa paisnan di Sur Europa manera Spaña y Grecia tambe



contribui. Nan a spera di por a aumenta presion riba nan. “E Gabinete a indica anteriormente cu ta importante pa henter Europa contribui,” Brekelmans a bolbe enfatisa despues di e conferencia di video di UDCG.

Sistemanan Patriot ta costa 1 biyon euro cada un. E misilnan cu nan ta lansa pa intercepta proyectilnan ta costa casi 4 miyon euro.

Hulanda tambe ta aumentando otro yudansa pa defensa aereo di Ucrania, segun e minister. El a menciona, entre otro, municion pa F-16, radar, y ekipo anti-drone.

Turistanan Hulandes rescata for di boto cu a bolter na Tailandia; guia a fayece

(NLTimes) – Diesun turista Hulandes a ser rescata diadomingo despues cu un boto cu 18 persona a bolter den e Lago Cheow Lan den Parke Nacional Khao Sok meymey di tempo severo. Un guia Tailandes, un dama di 44 aña, a fayece den e incidente, segun RTL a informa.

Segun The Nation, un medio di prensa Tailandes, e boto tabata transportando 16 turista—11 di Hulanda y cinco di Belgica—hunto cu dos guia Tailandes ora el a bolter debi na un rafaga ripiti di biento fuerte.

E boto a bolter un rato prome cu 11:30 a.m. ora local diadomingo durante condicionnan di tempo cu tabata deteriorando rapidamente. Tailandia actualmente ta experienciando e efectonan di Tormenta Tropical Wipha, cu a trece awasero pisa y biento fuerte den e region.

E Departamento Meteorologico di Tailandia a adverti di posibel inundacionnan repentino y tormentanan peligroso den e area algun dia prome cu e accidente.

Cheow Lan Lake ta un destinacion turistico popular, specialmente pa biaheronan Hulandes. Operacionnan di rescate a ser lansa mesora despues cu e boto a bolter. Tur 11 ciudadano Hulandes a ser treci sano y salvo na tera. E morto di e guia femenino Tailandes a keda confirma durante e esfuerso di rescate. No tabatin informacion inmediato riba e condicion di e cinco turistanan Belga ni e di dos guia Tailandes.

Autoridad Tailandes no a publica mas detaye ainda tocante e investigacion andando of e secuencia exacto di sucesonan. Advertencia di tempo ta keda na vigor den henter e pais mientras cu Tormenta Tropical Wipha ta sigui move riba tera.

Ilucionista hinca den brasa durante acto na show di Scheveningen

(NLTimes) – E ilucionista Hans Klok a keda herida durante su acto na un show na Scheveningen diadomingo atardi. Den e acto, Klok ta sinta mara na cada den un caha di carton, y miembronan di publico ta hinca spada aden. Un a bay “door di su brasa,” su manager a bisa Omroep West. Klok a caba e programa prome cu nan a hib’e hospital den ambulance.

Klok a bisa ANP cu e accidente a sucedede na final di e programa. “Diripiente, mi ta pensa: ‘Tin un spada den mi brasa, mi no por move.’ Un otro hende riba escenario a mira cu tabatin sanger riba e spada.”

E vocero di Klok a bisa e noticiero cu e ilucionista a haya verband tras di escenario y a caba e programa. Na hospital, el a resulta di tin “hopi suerte,” pasobra a pesar di a wak su brasa, e spada no a corta ningun musculo of nervio.

“Mi ta haciendo e trabou aki pa 46 aña, y tin biaha bo ta lubida di e peligrosnan,” Klok a bisa. Miembronan di e publico tabata involvi cu e truco, pero Klok no tin “niun hende pa culpa sino mi mes,” el a bisa.

Klok su siguiente presentacion na Den Haag diabierna lo sigui manera planea. E lo haci e truco di spada tambe atrobe. “E incidente ta muestra cu e profesion no ta sin riesgo. Pero esaki tabata simplemente eror humano,” su directiva a bisa.

BACK TO SCHOOL CACHI CACHI

1 GANADOR GARANTISA

Afi 1.000,- TUR DIA!

CON PA HUNGA

CU CADA COMPRA DI 1 FLORIN PA SORTEO DI MERDIA OF ANOCHI BO TA RICIBI 1 NUMBER GRATIS! SORTEO DI CACHI CACHI TA TUMA LUGAR DEN SORTEO DI ANOCHI Y DIADOMINGO 2:00PM

Afi 1 • 1 NUMBER GRATIS!
Afi 2 • 2 NUMBER GRATIS!
Afi 3 • 3 NUMBER GRATIS!
Afi 4 • 4 NUMBER GRATIS!

MAS BO INVERTI, MAS NUMBER GRATIS BO TA RICIBI!

www.lottoaruba.com

loto
Cambiando bida...

CAMPAÑA TA VALIDO DESDE 1 DI JULI PA 31 DI JULI 2025

4 pasajero di barco crucero Mericano acusa di contrabanda di droga y deteni na Bermuda

(AP) — **Autoridad na Bermuda a bisa diamars cu nan a aresta cuater pasajero di barco crucero Mericano acusa di posesion di droga.**

Polisabisadenuncomunicado cu e sospechosonan tabatin un “cantidad significativo di droga ilegal” incluyendo cannabis y carfentanyl, cu expertonan ta bisa ta 100 biaha mas potente cu fentanyl y ta

ser usa pa trankilisa olifante.

“E beslag aki por a preveni un tragedia potencial,” asina Superintendente di Detectivo interino Derricca Burns a bisa.

E sospechosonan tambe a ser acusa di ta den posesion di vape pen y sospechoso di THC gummies.

Polis di Bermuda a bisa cu oficialnan di seguridad

abordo di un barco crucero di Carnival a detene e sospechosonan. Nan a ser aresta na nan yegada na e teritorio rico di ultramar Britanico situa den e parti nort di Ocean Atlantico.

Polis no a duna detaye adicional, y Carnival no a debolbe un mensahe buscando comentario.



Agentenan di inmigracion di Merca ta detene ex candidato presidencial di Haiti pa motibo di supuesto laso cu gang

(AP) — **Agentenan di inmigracion di Merca na Florida a aresta e empresario, dokter y ex-candidato presidencial di Haiti Pierre Réginald Boulos pa motibo di su supuesto sosten na gangnan violento na Haiti cu e gobierno di Merca a considera gruponan terrorista.**

Boulos, aresta na su cas na Sur Florida siman pasa, ta ser acusa di ta “envolvi den un campaña di violencia y sosten di gang cu a contribui na destabilisacion di Haiti,” e Aplicacion di Inmigracion y Duana (ICE) di Merca a bisa den un declaracion dialuna atardi.

Boulos a nace na Merca pero a renuncia su ciudadania pa postula pa presidente di Haiti ultimo añanan. Despues el a obtene residencia na Merca aña pasa bou di e administracion di presidente Joe Biden.

Boulos, kende anteriormente a nenga un fluho di acusacionnan di corrupcion, ta e Haitiano mas conoci aresta te awor bou di un represion di



inmigracion door di e administracion di presidente Donald Trump.

ICE a bisa den su declaracion cu Boulos tambe no a logra divulga su envolvimento den formacion di un partido politico of cu gobierno di Haiti a referie pa persecucion pa mal uso di prestamo.

ICE a bisa cu e Departamento di Estado “a determina cu cierto individuonan cu status di residente permanente legal di Merca a sostene y colabora cu lidernan di gang Haitiano conecta cu Viv Ansanm, un organizacion terrorista stranhero Haitiano.”

“Merca lo no permiti individuonan disfruta di e beneficcionan di status legal den nos pais mientras nan ta facilita e accionnan di organisacionnan violento of ta sostene organisacionnan terrorista criminal den exterior,” e declaracion a bisa.

Boulos ta deteni na Krome North Service Processing Center na Miami, un centro di detencion cu Human Rights Watch a bisa den un rapport recien ta un di tres na Florida cu a pasa su capacidad y “ta viola normanan internacional di derecho humano.”

Boulos a funda varios negoshi mientras e tabata na Haiti, caminda el a fungi como presidente di e camara Nacional di Comercio y Industria.

Na 2019, el a crea e Movimiento di Tercer caminda. E partido a bisa cu e lo busca “un compromiso politico historico cu lo facilita e salida for di poder negocia” di e presidente di e tempo ey Jovenel Moïse.

Boulos a bishita e region central di Haiti na augustus 2019 mientras e tabata reuni pa sosten. “Mi ta parti di e sistema cu mester ser destrui,” el a ser cita pa e corant Le Nouvelliste. “Mi sa con pa destrui esaki.”

Moïse a fungi como presidente for di 2017 te ora cu el a ser tira na su residencia priva na juli 2021. Decenas di sospechoso a keda aresta, incluyendo 17 ex soldad Colombiano cu ainda ta bao interrogacion pa autoridad Haitiano. Eleccion no a tuma lugar desde cu Moïse a ser mata.

Violencia di gang a surgi den e vacuum politico cu a sigui, y Boulos pronto a regresa Merca.

E aresto ta bini mientras cu e administracion di Trump ta busca pa caba cu proteccion legal pa shen miles di Haitiano despues di a anuncia cu e lo revoca e proteccion pa esnan cu a yega Merca bou di un programa di libertad condicional humanitario.

Rod Joseph, un Haitiano-Mericano cu ta candidato pa eleccion di congreso di Merca, a bisa cu e tabata trahando cu e administracion pa evita deporta hende “djis pa dibernacion.”

“Si e mandatario bay tras di criminalnan, niun hende no ta contra di esey,” el a bisa via yamada dialuna. “Pero si bo deporta un hende cu no ta cometiendo ningun crimen y cu ta aki buscando un mihor bida, esaki ta ora nos tin problema cu e practica.”

Venezuela investigando supuesto maltrato di migrantenan cu Trump a manda pa El Salvador

(AP) — **Oficina di e procurador general di Venezuela a bisa dialuna cu el a habri un investigacion riba e presidente di El Salvador, Nayib Bukele, pa supuesto maltrato y violacion di derecho humano contra migrantenan Venezolano.**

E migrantenan en cuestion a pasa varios luna deteni den un prizon di maximo seguridad den e pais Centro Americano despues di a ser deporta pa Merca.

Fiscal General Tarek William Saab a bisa cu su oficina a dicidi di habri e investigacion despues cu algun di e migrantenan a informa autoridadnan Venezolano di e supuesto maltrato. E investigacion ta inclui e minister di husticia di El Salvador, Gustavo Villatoro y e hefe di e sistema di prizon, Osiris Luna.

Mas cu 250 migrante a ser deteni desde maart den un mega-prizon conoci como e Centro di Encarcelamento

di Terrorismo, of CECOT, cu a ser construi pa tene supuesto miembronan di gang den e guerra di Bukele contra e gangnan di su pais.

Nan a ser libera diabierna pa El Salvador den un intercambio pa 10 ciudadano Mericano encarcela na Venezuela, y como parti di un areglo di tres pais.

Oficina di Bukele no a contesta inmediatamente na un peticion pa comentario.





Cuminsando cu 4 florin, bo por gana e suma grandi aki

Afl. 265.000,-

Obtenibel na cualkier rebendado di Lotto.

sorteo ta awe noch 7:45 pm



HUNGA AWO



Asesino mas busca di Chile a yega Peru despues di a lag'e sali for di prizon eroneamente

(Infobae) – E yegada di e asesino Venezolano identifica como Alberto Carlos Mejía Hernández (18) na Peru ta casi mas inusual cu e proceso di su liberacion accidental for di un prizon na Santiago de Chile. E criminal, cu awor ta riba suelo Peruano, ta vincula cu e actividadnan di Tren de Aragua riba e continente y, te cu ta conoci, a gana sali for di porta principal di prizon debi na un eror administrativo.

E ruta cu Mejía Hernández a sigui pa crusa frontera entre e dos paisnan ilegalmente a cuminsa mesora despues di su libertad y, segun e periodista Chileno Marcela Rojas, e criminal a usa un taxi pa facilita su salida for di e pais bisiña.

Mas cu 20 ora cu taxi pa Peru “E biahe cu e la haci ta for di e prizon ‘Santiago 1’ pa



un comunidad den Santiago Grandi, específicamente Estacion Central, caminda el a tuma un Uber pa 2,5 milyon peso Chileno pa e ciudad di Iquique. Esey ta por lo menos un biahe di 20 ora di Uber,” e periodista a declara den un entrevista cu Exitosa.

Rojas a agrega cu despues di a yega Iquique, e criminal liga na e Tren di Aragua a tuma un otro taxi cu a hib’e Arica

den un par di ora, sigui pa un vehiculo nobo, cu a hiba e y tres otro persona na frontera di Peru.

“A keda revela cu e taxi aki a transporta un total di cuater persona riba 12 di juli. E personanan aki supuestamente a drenta Peru door di un crusada na Chalutacal, cual ta e punto di control di frontera formal cu Peru,” e periodista a declara.

A ricibi un bon bini pa e Tren di Aragua

E periodista Chileno a sigura e stacion di radio cu riba su caminda pa Peru, e asesino Venezolano y su compañero nan lo a ser ricibi pa miembronan di e Tren di Aragua na Tacna.

Rojas a declara cu autoridad Chileno ainda no a duna mas detaye tocante e investigacion andando riba e incidente, pero el a considera cu Peru no ta e destinacion final pa e criminalnan aki, y cu nan por busca destinacion manera Colombia y Costa Rica.

E eror cu a habri e porta di prizon

Dia 10 di juli, mientras e mester a keda den detencion preventivo, e detenido conoci oficialmente como Osmar Ferrer Ramírez—un number cu a resulta di ta falso—a keda libera pa e Gendarmeria

Chileno.

Despues di un cadena torpe di documentonan di corte conflictivo, oficialnan a dicidi cu nan mester lag’e bay, a pesar di un advertencia di email contra esaki. Apenas el a crusa e drempe ora cu Mejía Hernández, di apenas 18 aña, a disparce den e cayanen di e bario di Franklin cu dos complice.

Corte Supremo a ordena un revision di e protocolnan, mientras cu Ministerio Publico a reuni un grupo di trabou special pa sigui e fugitivo. E miedo principal: cu e por crusa bay un otro pais y profundisa e red di imponibilidad di e organisacion criminal na cual e ta pertenece.

Aunke e alerta internacional a ser emiti e diamars siguiente, e movicion di Mejía Hernández ya tabata dirigi pafo di Chile.

Polis di Jamaica a mata 5 homber mientras cu e departamento ta haya critica pa aumento di tiroteo fatal

(AP) — Polis na Jamaica ta bisa cu nan a tira cinco homber sospecha di a planea pa mata un hende mientras e departamento riba e isla di Caribe ta enfrentando critica pa un aumento di tiroteonn fatal.

Autoridad a bisa den un declaracion dialuna atardi cu polis tabata investigando un supuesto complot di asesinato cu a hiba oficialnan na e lugar caminda e hombernan a ser tira. E tiroteonan a sucede dialuna atardi den parokia St. Andrew, den capital Kingston.

“Oficialnan a bin bou di tiroteo pisa y a responde na e menasa pa nan bida,” polis a bisa.

Autoridad a tuma nota cu ningun oficial a resulta herida, y cu nan tabata buscando un di seis homber cu e apodo

“Bloodstain” cu a scapa.

Polis a bisa cu nan a reporta e asenatonan na e comision Independiente di Investigacion di Jamaica, un instancia gubernamental crea na 2010 pa investiga kehonan contra oficialnan di polis, militar y coreccion di Jamaica.

Forsanan di seguridad riba e isla pa hopi tempo a ser acusa di asenatonan ilegal y di uso di forsa excesivo.

Siman pasa, e comision a emiti un declaracion bisando cu e tabata preocupa “pa e aumento continuo di tiroteonan fatal door di e Forsanan di Seguridad, en particular mortonan cu ta surgi for di operacionnan policial planea, y tambe e fayto persistente pa priorisa e despliegue di camaranan bisti riba curpa.”

A señala cu te awor e aña aki,

forsanan di seguridad Jamaicano a tira 177 persona fatalmente, compara cu 80 den e mesun periodo aña pasa, representando un aumento di 121%.

For di 18 di juli 2024, te cu 18

di juli di e aña aki, forsanan di seguridad a mata 288 hende. E comision a señala cu polis no a usa camara di curpa den ningun di e incidentenan.

“Un tema cu ta ripiti den e incidentenan di tiroteo ta

muera cu supuestamente armanan a ser dirigi riba oficialnan, pero den ausencia di testimonio ocular di tercer parti of evidencia di video, investigadornan no por verifica of hustifica e uso di forsa letal,” e comision a bisa.





Manera conoci Alhambra Casino a celebra y ta sigui celebra nan 40 aniversario y den Grandi. Durante luna di juli y augustus tur dia ta garantisa 20 ganado cu por gana te cu \$100 riba nan carchi.

Con pa participa?

Masha facil, acumula 100 punto hungando machine of 16 Table Credit ora hunga na un di nos mesanan. Mas bo hunga mas chens bo tin di participa gana.

E suerte ta den bo man. Bo tin di scoge un di e 5 rocketnan y den un di nan tin e premio grandi. Tambe tin mas



Alhambra Casino ta sigui regala premio TUR DIA!!!



premio. Promocion ta valido for di juli 1 te cu Augustus 31. Nos ta invita bo bin purba bo suerte.

Na Alhambra no ta un hungador ta bay cu tur cos, pero tur hungador ta ganador sigur.

Tur dia bo bin hunga nos tin diferente promocion, manera \$10 Match Play pa hunga na mesa, cualkier sandwich na The Cove Restaurant na mita prijs, free spin cu chens di gana \$1000, y asina tin hopi mas pa men-

ciona.

Join nos pa asina nos celebra nos 4 decada terciendo alegria, y manera un famia cu nos cliente nan. Tambe nos kier invita bo na nos Bingo tur Diahuebs, Diasabra y Diadomingo.

Masha danki na nos cliente nan fiel cu semper ta bishita nos Casino. Cheers pa hopi aña mas di celebracion.

Alhambra Casino simplemente divino.

START YOUR DAY IN PARADISE

20% off for locals*

laguna

OPEN DAILY 7 – 11 AM

For reservations +297-526-6612

Extensive Buffet
Air-Conditioned Dining
Your Favorite Breakfast Classics
Wake-Up Cocktails
Outdoor Terrace Dining
A La Carte Breakfast Specialties

Hilton
ARUBA CARIBBEAN
RESORT & CASINO

*Offer is valid for local residents with a local ID. Limited to a maximum of 30 persons. Bottles are not included in this offer.

Billy Joel ta sinti 'bon' despues di diagnosis di trastorno cerebral

(BBC) – Billy Joel ta bisa cu e ta sintie “bon”, dos luna despues di a anuncia su diagnosis cu condicion incomun di cerebro Normal Pressure Hydrocephalus (NPH).

E cinco-biaha ganador di Grammy a bisa cu su condicion “ainda ta den proceso”, y e ta luchando cu su balansa. “Mi ta sinti mi bon, nan ta keda referi na loke mi tin como un trastorno cerebral, pues e ta zona hopi pio cu loke mi ta sinti,” e cantante-compositor a bisa.

Joel a ser forsa pa cancela un serie di fecha di concierto na mei di e aña aki, despues cu su dokternan a cont’e di su condicion.

NPH ta ser describi pa NHS como un condicion incomun y mal comprondi cu mayoria biaha ta afecta hende riba edad di 60 aña.

E condicion ta causa un acumulacion di likido den e cerebro, cu por afecta oido, bista y movilidad.

Su casa, Alexis Joel, a skirbi den un post cu e famia tabata “agradecido pa e cuidu maravioso y e diagnosis rapido cu nos a ricibi”, y cu nan ta sperando pa un recuperacion rapido.

Joel, kende ta conoci pa exitonan incluyendo Uptown Girl y Piano Man, tabata riba gira regularmente den añanan recién.

El a termina un residencia di un decada cu a kibra record na Madison Square Garden na New York aña pasa.

Su ultimo presentacion tabata na februari 2025, ora el a cay riba su lomba durante su presentacion despues di a tira un stand di microfon den e multitud.

El a anuncia un pospone-mento di su gira poco despues, citando un condicion medico cu a exige pa e pasa den terapia fisico como parti di su recuperacion di un operacion recién.

The Weeknd y Shakira lo ta titular di Global Citizen Festival cu ta sostene acceso na energia y Amazon

(AP) — The Weeknd y Shakira — dos di e artistanan mas grandi na mundo — lo ta titular di e Global Citizen Festival di e augustus aki den Central Park di New York, sosteniendo campananan


pa mehora acceso na energia den henter Africa y defende Amazonia contra deforestacion.

Global Citizen a anuncia diamars cu e streanan di pop tras di exitonan manera “Blinding

Lights” y “Hips Don’t Lie” lo ser compania pa Tyla, Ayra Starr y Mariah the Scientist na e concierto. Anfitriona pa e actor Hugh Jackman, e evento anual ta resalta e prioridadnan di organisacionnan NGO di anti-pobresa y asistentenan urgente pa colectivamente atende e asuntonan a traves di sosten directo.

“E hecho cu e artistanan aki tin cercania inmediato na comunidatnan cu sea recientemente a sali for di pobreza extremo, of ta saliendo for di pobreza extremo, ta duna nan un perspectiva asombroso,” CEO di Global Citizen Hugh Evans a bisa. “Y nan ta trece e perspectiva den Central Park na e momento aki caminda mi ta kere cu mundo mester di un momento di union awor mas cu nunca.”

E metanan di e festival ta encera sigura compromiso pa trece energia limpi y confia-



bel pa 1 miyon hende na Africa; mobilizando \$200 miyon pa empresarionan indigena y local pa protege un pida di e selva di Amazona grandi; y recauda por lo menos \$30 miyon pa yuda programanan di educacion basa riba comunidad pa mehora alfabetisacion di mucha.

E festival ta gratis, pero fanaticonan mester gana carchi door di tuma accionnan a traves di e app Global Citizen. Oportunidadnan ta inclui subi videonan cu ta yama lidernan Aleman y Frances pa sostene e plan di proteccion di Amazon y boluntario

pa mentor hobennan rond mundo den desaroyo di care-ra.

E yamadanan pa accion di e aña aki ta refleha e naturalesa cambiante di campananan di defensa online. Organisadornan ta haya cu postnan riba red social y apelacion impulsa pa email no ta carga e mesun peso cu nan tabatin ora Global Citizen a cuminsa reuni bishitantenan di concierto. Evans a bisa cu contenido genera pa usuario manera un clip graba pa nan mes ta crea “compromiso di calidad” y ta hacie casi imposibel pa hunga e sistema.

Ozzy Osbourne, padrino di heavy metal cu a dirigi Black Sabbath, ta fayece cu 76 aña



(AP) – Ozzy Osbourne, cantante principal y cu ta invoca demoño di e banda pionero Black Sabbath cu a bira e bos di garganta y gruñamento di heavy metal, a fayece diamars, djis algun siman despues di su show di despedida. E tabatin 76 aña.

Sea bisti na preto of pecho ta muestra, e cantante hopi biaha tabata e blanco di gruponan di mayornan pa su imagenan y un biaha a causa un alboroto pa morde cabes di un vleermuis. Despues, e lo revela su mes como un tata lief den e programa di ‘reality tv’ “The Osbournes.”

Black Sabbath di 1969 a ser compara cu e Big Bang di heavy metal. El a bini durante e altura di e Guera di Vietnam y a destrui e fiesta di hippie, basha menasa y presagio.

“Black Sabbath ta e Beatles di heavy metal. Tur hende cu ta serio tocante metal lo bisa bo cu tur cos ta bin abou na Sabbath,” Dave Navarro di e banda Jane’s Addiction a skirbi den un homenahe di 2010 den Rolling Stone.

Sabbath a kita Osbourne for di trabou na 1979 pa su exceso legendario, manera presenta laat pa ensayo y perde concierto. El a bolbe aparece e siguiente aña como un artista solo cu “Blizzard of Ozz” y e siguiente aña su “Diary of a Madman,” tur dos clasico di hard rock cu a bay multi-platino.

E formacion original di Sabbath a reuni na prome biaha

den 20 aña na juli 2025 na Reino Uni pa loke Osbourne a bisa tabata su concierto final. “Laga e locura cuminsa!” el a bisa 42.000 fanatico.

Osbourne a encarna e esencia di metal. Su hazañanan straño a inclui alivia su mes riba e Alamo, snuif un liña di fruminga for di un acera y, mas memorabel, morde cabes di un vleermuis bibo cu un fanatico a tira riba escenario durante un concierto di 1981. (El a bisa cu el a kere cu e tabata rubber.)

Osbourne a ser demanda na 1987 pa mayornan di un hoben di 19 aña cu a muri pa suicida mientras e tabata scucha su cancion “Suicide Solution.” E demanda a keda rechasa. Osbourne a bisa cu e cancion tabata realmente tocante e peligros di alcohol, cu a causa morto di su amigo Bon Scott, cantante principal di AC/DC.

E tempo ey cardinal John J. O’Connor di New York a afirma na 1990 cu e canticanan di Osbourne a conduci na posesion demonico. “Bo ta ignorante tocante e berdadero nificacion di mi canticanan,” e cantante a skirbi back. “Bo a insulta tambe e inteligencia di fanaticonan di rock tur caminda na mundo.”

John Michael Osbourne a crece den e ciudad di Birmingham, Inglatera. Muchanan na scol a dun’e e apodo Ozzy, cortico pa su fam.

Na fin di añanan 1960, Osbourne a uni cu e bahista Terry “Geezer” Butler, e guitarrista Tony Iommi y e drummer Bill Ward. Nan a nombra nan mes for di e titulo Mericano di e pelicula di terror Italiano Clasico “I Tre Volti Della Paura,” cu Boris Karloff: Black Sabbath. Hopi mas despues, un Osbourne saludabel lo ser revela durante “The Osbournes,” cu a pasa riba MTV di 2002-2005.

E ta laga atras Sharon su casa, y su yiunan.



Bo Carta di Interes awor ta accesibel online!

Awor bo mes por download bo carta di interes di 2023 y 2024 directamente for di nos Mobile y Internet Banking app.

Login sea via bo smart phone of via bo desktop computer:

- For di den ‘User Menu’ selecta e opcion di ‘Annual Statement’;
- Siguietemente scoge e cuenta cu bo mester, sea ta prestamo, tarheta di credito of hipoteca.
- Finalmente bo por scoge pa download, print of share e carta di interes.

Pa cuentanan of targetanan cu no ta activo mas y pesey no ta visibel den e menu di Internet Banking, por fabor tuma contacto cu nos.

(+297) 522-3000 Dialuna - Diabierna: 8AM-8PM • Diasabra: 8AM-1PM | cmbnv.com | [CMB News](#) | bobancoamigo@cmbnv.com

Sarah-Quita Offringa un biaha mas campeon mundial di Slalom-X

Di 26 titulo mundial pa windsurfista di Aruba



(Aruba.nu) – Windsurfista di Aruba, Sarah-Quita Offringa a bolbe marca historia saliendo campeon mundial pa di 26 biaha. E biaha aki, el a bay cu e titulo den e disciplina espectacular di Slalom-X na e campeonato Mundial di PWA den e clase di aleta na Fuerteventora.

Offringa, un wega na e top

di mundo pa añanan, a enfrenta competencia duro. Sin embargo, Justine Lemeteyer di Francia y Femke van der Veen di Hulanda no por a strob'e di gana. Finalmente e diferencia a resulta decisivamente na favor di e Arubiano, kende a reafirma su dominio riba awa.

E disciplina di Slalom-X a ser

introduci solamente na 2024 y ta agrega un elemento extra na careda tradicional di slalom. Participantenan no solamente ta completa un curso rapido pero tambe mester haci un salto espectacular riba un “salchicha,” un pida cabuya colga den awa. Esaki ta haci e careda no solamente mas dificil pero tambe mas impredecibel y visualmente

atractivo pa e spectadornan. Van der Meulen su debut Banda di e triunfo di Offringa, e actuacion di debut prometedora di Louise van der Meulen tambe tabata notable. E windsurfista di Aruba a termina na di nuebe lugar, cu dos di seis lugar como su miho. Un actuacion fuerte pa su prome aparicion na e nivel

mas halto, y un señal prometedora pa futuro di windsurf Arubiano.

Cu Offringa como e campeon indiscutibel y Van der Meulen na subida, Aruba ta muestra cla pa mantene—y expande—un posicion fuerte den e mundo internacional di windsurf.



Paret-Peintre ta gana etapa di Tour de France riba Mont Ventoux



AP) — Valentin Paret-Peintre a triunfa riba Mont Ventoux pa bira e

promer ciclista local pa gana un etapa na e Tour de France di e aña aki, mien-

tras cu Tadej Pogačar a consolida su bentaha general diamars.

Paret-Peintre a caba net dilanti di ex=lider Ben Healy den un sprint pa e liña na e punta di e famoso sero conoci como e “Bestia di Provence.”

Santiago Buitrago tabata di tres, 4 seconde atras, dilanti di e compañero di ekipo di Paret-Peintre Ilan Van Wilder y e di cinco lugar Pogačar, kende a wanta atakenan ripiti di Jonas Vingegaard pa crusa e liña 2 seconde prome cu su rival principal.

Pogačar a extende su bentaha general na 4 minuut, 15 seconde riba e ciclista Danes. Vingegaard a gana e Tour na 2022 y 2023 pero ta parece impotente pa stop Pogačar di logra su di cuater victoria ora e careda termina otro fin di siman na Paris.

Despues di e di dos dia di descanso di e Tour dialuna, Etapa 16 a hiba e ciclistanan 171.5 kilometer for di Montpellier den sur di Francia riba un curso largo y plat te ora nan a yega na e subida brutal riba Ventoux.

Ciclista Hulandes, Van der Poel ta bandona Tour de France

Mathieu van der Poel a sali trempa for di e Tour de France. E ciclista Hulandes ta sufrir di pulmonia y no por core e di 16 etapa pa Mont Ventoux diamars, segun team di ciclismo di Alpecin-Deceuninck a anuncia.

Van der Poel, kende a gana etapa dos y tambe a core den e camisa geel pa cuater dia, tabata luchando cu un verkoud pa e ultimo dianan. Su sintomanan a empeora dialuna atardi, y el a desaroya keintura. El a bay un hospital na Narbonne pa un examen y a ser diagnostica cu pulmonia.

“Den consulta cu e personal medico, a dicidi cu e no por sigui e careda mas. Su salud ta e prioridad maximo, y descanso y recuperacion awor ta esencial,” e team di ciclismo a skirbi riba Instagram. “Mathieu lo mester sosiega pa por lo menos un siman completo.”

Ser forsa pa bandona e Tour de France prematuramente ta un decepcion grandi. Van der Poel tabata core un careda impresionante. E ciclista Hulandes ta bandona e careda na di tres lugar den e clasificacion di punto cu 210 punto.

Otro ciclista Wout van Aert, e ultimo ga-

nador ora e ruta a pasa dor di Ventoux na 2021, a ataca for di cuminsamento, loke a causa contesta di Jonathan Milan, Ivan Romeo y otronan.

Seis tabata na bentaha pa ora nan a yega na Bedoin na e parti abou. Solamente 22 kilometer a keda, pero nan mester a bira mas y mas duro cu 15.7 kilometer na un inclinacion di 8.8% for di Saint-Estève te na e meta.

Healy, den un grupo di persiguidor, a surpasa Julian Alaphilippe mientras Vingegaard a haci su movicion inicial. El a bolbe ataca, despues atrobe, pero Pogačar a keda firmemente riba su wiel. E brecha tabata cera riba e ciclista Spañol, Enric Mas na cabes.

Vingegaard a haya sosten ora el a alcanza Vismas-Lease un compañero di ekipo di Bike Victor Campenaerts, pero Healy tabata move liher nan dilanti y a tuma e bentaha for di Mas cu 3.7 kilometer pa bay. Paret-Peintre a sigui y a ser yuda pa e compañero di ekipo di Soudal-Quick-Step Van Wilder pa caba djis dilanti di Healy.

Vingegaard a bolbe ataca pero no por a sacudi Pogačar, kende a ataca cu 2 kilometer pa bay pa dal su rival un otro sla desmoralisante.

“Net net” Domino Team a promove pa “Nooit Meer”

Diasabra ultimo, 19 di juli, fanaticada di domino a cera conoci c’un style nobo di domino, un estilo “Coldplay” cu a laga tur presente den un baño di awa friu friu! E “hype” sigur tabata t’ey p’e estreño dje ekipo nobo “NET NET” Domino Team, kendenan a challenge nada menos cu Team SNOR pa nan wega inaugural! Via nos contactonan den DIA (Domino Intelligence Agency), nos a logra haya copia di algun dje mensahenan cu integrantenan di NET NET DT tabata manda p’e lider di Team SNOR, esta Nelson “Snor” Perez. Aki nos ta publica algun di nan: “Wanta duro”; “No cuminsa yora”; “Nos lo bay kita e snor”; “Obispo ta pan grandi” (nos ta supone Obispo lo ta bijnaam di un dje hungadonan es-

telar di Team Snor).

Wel wel, shonnan, nos no por nenga cu e ekipo, supuestamente di Dakota y involucra segun rumornan estilo ‘hush-hush’ mas den mundo di futbol cu di domino, a sa di sali pecho hanchu habri desafiando un dje teamnan mas duro actualmente. Cos a cuminsa move trankilo den prome buelta te ora cu Team Snor a dicidi cu ta basta wega di “kat en muis” y a habri trot manda te bom! Halftime ta bay aden cu score aplastante di 11-5 pa Team Snor! Y ata! Manera nan ta bisa na Hulanda, “het kan verkeren”! Capitan di Net-Net DT ta lanta y tira serbete blanco den ring dunando impresion na un y tur cu esaki ta NET NET DT su “Plan B” si cos no bay na nan favor. E motibo duna ta cu “mester bay traha un djis”. NET NET DT a “pak nan boeltje”, tira man vap-vap



riba un par di snacks gratis y a plama paña bandona Domino Square Garden! Mas cu claro, wenkbrouw di un y tur a bay laira puntrando nan mes ta kico e team aki a kere? Cu Team Snor ta “zomaar een groepje”? Algo cu bo ta yega

suta “eventjes” prome cu bo bay subi warda? Wel shonnan, mas cu claro e resto di anochi tabata yena cu humor y chansamento, te cu na final unanimamente a promove e ekipo di “NET NET DT” pa “NOOIT MEER DT”.

Un caso bisto di e conocido dicho Hulandes: “schoenmaker blijf bij je leest”. Pero shonnan, keda pendiente, pasobra na Hulanda tambe nan sa bisa “het muisje heeft nog een staartje” ...

Caso di agresion sexual contra hungadornan junior di Canada 2018 ta yegando un veredicto

(AP) — Un hues ta cla pa duna su veredicto diahuebs den e caso di agresion sexual involucrando cinco miembro di e ekipo di hockey junior mundial di Canada di 2018.

Michael McLeod, Carter Hart, Cal Foote, Dillon Dube y Alex Formenton a enfrente un huicio despues di un incidente cu a tuma lugar na London, Ontario, na 2018.

Kico a pasa?
Un muhe a demanda Hockey Canada na 2022, alegando cu el a ser agredi sexualmente pa ocho miembro di e ekipo mundial di junior di Canada despues di un gala di recaudacion di fondo na London na 2018. Hockey Canada a regla e demanda, y despues un investigacion a revela cu e organizacion tabatin dos fondo secreto pa paga acuerdo pa resolve demandanan di abuso sexual y abuso.

Detective di London Sgt. Katherine Dann a bisa den anuncia acusacion na culminamento di 2024, indicando cu Polis di London a ricibi un yamada dia 19 di juni 2018, di un pariente di e victima y a lansa un investigacion. Esey a ser cera na 2019 sin ningun costo.
E demanda di 2022, cu a pidi



\$3.55 milyon na daño y a keda baha despues di a yega na e arreglo cu Hockey Canada, a conduci na polis habriendo e investigacion y acusacionnan contra cinco miembro di e ekipo.

NHL a lansa su mes investigacion na 2022. Oficialnan a priminti di publica e resultado, aunke comisario Gary Bettman a bisa na februari cu esey lo depende di kico e liga por bisa mirando procedemento legal.

E muhe a testigua na mei cu e tabata sunu, burachi y spanta ora cuater di e hombernan

a presenta inesperadamente den su camber na Delta Hotel London Armouries den oranan trempan di mainta di 19 di juni 2018, y a sinti cu e unico opcion “sigur” tabata pa haci loke nan tabata kier. Fiscal ta sostene cu e hungadornan a haci loke nan tabata kier sin tuma pasonan pa sigura cu el a duna su permiso voluntariamente na actonan sexual.

Abogadonan di defensa a interrog’e pa dianan y a sugeri cu el a participa activamente den of a inicia actividad sexual pasobra e tabata kier un “anochi salvahe.”

Ken a keda acusa?
Hart, anteriormente di e Philadelphia Flyers; McLeod y Foote, anteriormente di New Jersey Devils; Dube, anteriormente di e Calgary Flames; y ex-hungador di NHL Alex Formenton, kende tabata hunga na Europa cu e club Suiso HC Ambr-Piotta, a ser acusa di agresion sexual. McLeod ta enfrente un acusacion adicional di ta un partido na e ofensa di agresion sexual.

Tur cinco a declara nan inocencia. Ningun ta riba un lista di NHL of tin un contrato

activo cu un ekipo den e liga.

Kico ta sigui?
Hues di corte Superior di Ontario, Maria Carroccia ta e unico responsabel pa duna un decision den e caso despues di a despedi di e hurado na mei, despues di un keho cu abogadonan di defensa tabata hari di algun di e huradonan. Carroccia a bisa cu e no a mira ningun comportacion cu lo a causa su preocupacion pero a conclui cu e impresion negativo di e hurado di e defensa por a impacta nan imparcialidad, un problema cu no por a ser remedia.

Posibel consecuencia?
Tin un rango amplio di resultado si cualkier un di e hombernan ser haya culpabel, cu sentencianan na Canada pa varios grado di asalto sexual cu ta varia di no minimo obligatorio te cu 10 aña di prizon.

No tabata cla mesora si e hungadornan lo por a regresa na NHL si nan ser haya no culpabel. Bettman a bisa cu e liga lo laga e caso legal hunga prome cu tuma cualkier paso.

Hockey Canada, mientras tanto, a perde varios sponsor, incluyendo Nike, y su CEO y directiva a renuncia na 2022 despues di esaki y otro scandalnan.

Legisladornan Ruso ta aproba proposicion cu ta castiga buskedanan online pa informacion considera 'extremista'

(AP) - **Legisladornan Riso a aproba un proposicion diamars cu ta castiga buskedanan online pa informacion cu ta considera "extremista," marcando e accion mas recien di e autoridadnan gubernamental den nan accion contra oposicion.**

E proposicion aproba pa State Duma, parti di parlamento Ruso, ta move na su promocion practicamente garantiza den parti halto di parlamento y ta bay Presidente Vladimir Putin pa ser firma y converti den ley. E legislacion ta castiga loke e ta describi como extremadamente amplio y ta inclui lider di oposicion Alexei Navalny, y "movimiento internacional LGBT."

No ta cla ainda con e autoridadnan lo tuma accion contra e violadornan. Oficialnan y legisladornan a bisa cu usuaronan di internet ordinario no lo ser afecta y solamente esnan cu frecuentemente ta busca contenido considera ilegal. Nan no a splica con e autoridadnan lo diferencia entre nan.

Algun observador a sugeri cu e informacion posiblemente lo bini for di proveedornan di internet of plataforman di rednan social, y polis tambe por ehecuta buskeda aleatorio den e historial di buskeda di



celular of computer.

E legislacion nobo tambe ta contene un prohibicion riba aviso di servicionan di red virtual priva, VPN y boet pa recursonan di VPN cu no ta cumpli cu regulacionnan gubernamental, pero si no a prohibi su uso. El a nombra si e uso di VPN como un "circunstancia grave" den caso di otro violacionnan di e ley.

Rusonan tin un uso amplio di VPN pa haya acceso na contenido prohibi, sinembargo autoridadnan a busca manera di yega na restriccinnan mas fuerte, purbando di cera posible buraco. E estado su vigilante pa comunicacionnan estatal a aumenta su uso di tecnologia pa analisa trafico y blokea protocol di VPN specifico.

E autoridadnan Ruso a aumenta nan accion di varios faceta contra oposicion despues di manda trupa Ucrania den februari di 2022.

Desde e tempo aki, censura online y persecucion pa publicacionnan y comentarionan riba rednan social a aumenta. Varios outlet di media independiente y gruponan di derecho a ser cera, considera "agentenan di exterior" of criminalisa como "indeseable." Centenares di activista y criticonan di e presidente a enfrenta cargonan criminal.

E legislacion nobo a aumenta critica publico amplio. Duma, cual ta sostiene di manera unanime mayoria iniciativa di gobierno, tabata dividi den diamars su voto, cu 306 sosteniendo e medida, 67 contra esaki y 22 absteniendo.



Entre esnan den oposicion di e proposicion tabatin algun miembro di e partido comunista, Just Rusia y e partido liberal New People cu usualmente ta sigui e presidente su deseonan.

Politico liberal Boris Nadezhin, ken a busca desafia Putin den aña pasa su eleccion presidencial pero a ser nenga un posicion, a bisa reporteronan pafo di Duma cu e ta opone e legislacion nobo. "E ta crea problema real pa dies miyones di hende," el a bisa.

Nadezhin su aliado, Dmitry Kisiev, cu a presenta parlamento un poster comparando e legislacion na e obra di Goerge Orwell, "1984," a keda rapidamente saca pa polis, ken tambe a detene varios reportero cubriendo e manifestacion.

Te hasta algun figura pro e presidente a critica e proposicion, argumentando cu esaki lo haci imposible pa nan tuma accion contra y yega na comentario di criticonan di e presidente.

Margarita Simonyan, hefe di e canal estatal RT, a papia contra di e legislacion, cuestionando con su grupo di media por "investiga y bergonsa" outletnan cu ta contra e presidente "si nos tin prohibi sikiera lesa nan."

Yekaterina Mizulina, ken su grupo Safe Internet League a reporta varios persona den oposicion na e autoridadnan, tambe a condena e proposicion nobo fuertemente, argumentando cu esaki ta haci imposible pa su grupo "monitor e comunidannan extremista" riba internet.

Telefon publico ta regresa sin costo na zonanan sin cobertura celular na Vermont

(AP) - **Ingeniero electrico, Patrick Schlott, a pasa varios ora ta traha riba tecnologia nobo y bieu. Pero no ta te ora cu el a haya su mes ta biba na un parti aparta di Vermont cu el a ripara cu su reparacion di telefonnan publico bieu por provee un servicio publico.**

"Mi a ripara, waw, no tin cobertura celular for di 16 kilometer den cualkier direccion," el a bisa. "E comunidad realmente por beneficia di algo asina."

Schlott, un ingeniero full-time na un compania cu ta fabrica avion electrico yama BETA, a dicidi di acerca e doñonan di un tienda general local cu e idea di instala telefonnan publico bieu rond di e pueblo y haci nan gratis

pa usa. Despues cu el a splica no lo tin costo pa opera esaki, North Tunbridge General Store su doñonan Mike y Lois Gross a laga Schlott



instala e prome pafo di nan tienda.

"Tur hende tabata hopi sorprendi y nan ta bisa 'e ta un telefon publico di berdad? E ta traha di berdad?' y mi ta contesta nan, 'si pero awo e no ta costa nada,'" doño di e tienda Mike Gross a comenta. "Nos tin hende cu a haci uso di e telefon ta yora. E ta algo grandioso pa motibo cu cobertura ta asina malo na Vermont."

E prome instalacion di telefon publico gratis tabata Schlott su idea, pero e ta bisa cu e otro dos localidad, Latham Library na Thetford y dentro di un booth di informacion na Randolph, a bini for di miembronan di e comunidad cu a pidi e servicio.

"Tur e otro telefonnan te awo



ta hendenan cu ta acerca pa pidi nan, cual ta hopi master," el a comenta.

Schlott ta cumpra e telefonnan publico bieu, cual por ta entre 100 pa 500 dollar na un variedad di sitio of subasta y ta drecha nan na su cas. Tur loke tin mester pa instala un di su telefonnan ta un conexion na internet - ningun moneda ta necesario.

"Basicamente, tin un piesa chikito cu ta converti un linea di telefon di internet den uno

analogo, cual e telefon ta usa pa opera," el a bisa.

Conhuntamente cu cubri e costo, cual ta cerca di 2 pa 3 dollar pa luna pa cada linea di telefon y menos di 5 dollar pa luna den yamada, Schlott ta actua como e operador pa cada telefon y por transferi yamadanan, yudando usuaronan ora esaki bira necesario. Si e usuario marca 0, e telefon lo yama Schlott su celular personal, aunke e ta usa un aplicacion pa mantene su number di telefon priva.

Bomberonan a bay Bernhardstraat pa candela na un cas bandona

Dialuna atardi a drenta informe di cu tin un cas bandona na candela na Bernhardstraat, mesora a dirigi tanto polis como bomberonan na e sitio.

Na yegada di e patruya a bin compronde cu aki ta trata di poco sushi acumula cual lo a ser cendi na candela. Na yegada di e bomberonan nan a basha awa riba esaki y a logra domina te paga e candela.



Chauffeur di pick-up a baha caminda y dal riba palo di lus na Camacuri



Dialuna atardi a drenta informe di un accidente na Camacuri, mesora a dirigi un patruya na e sitio.

Na yegada di e patruya a bin compronde cu aki ta trata di un accidente unda pa un motibo desconoci e chauffeur di un pick-up a baha caminda y a dal un palo

di luz y e wayanan di coriente a keda lora rond di e pick-up. Afortunadamente ningun hende a resulta herida.

Pasahero di edad den un Kia Rio a resulta herida ora un Mazda a subi caminda grandi

Dialuna atardi a drenta informe di un accidente cu hende herida na Cura Cabay, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda cu e chauffeur di un Mazda S.U.V a bay subi caminda grandi pero e

visibilidad di e bahada di solo lo a stroba e chauffeur y pa e motibo aki e lo no por a mira e auto Kia Rio color preto. E Mazda a bay subi e caminda y a bay dal riba e Kia Rio.

Debi na e impacto aki cual tabata net na banda di e pasahero a spant'e y a bira malo. Na yegada di e ambulance nan a atende e pasahero victima.



Persecucion di Palm Beach te Madiki Kavel a termina cu detencion y auto confisca

Dialuna anochi polisnan di distrito 2 (Noord) a nota un auto sospechoso y mesora nan a bay pa par'e, pero e chauffeur a ignora e yamada di polis y no kier a para y a start un persecucion unda e chauffeur a aumenta e velocidad di su auto.

Polis a sigui cu tras y a yega

te na Madiki Kavel unda e chauffeur a core baha pa bay paden pero polis a detene e hoben a resisti e detencion pero asina mes a logra detene. Mesora e vehiculo di transporte pa detenidonan a bini y a bay cun'e.

Ademas di esey polis a confisca e vehiculo cu e tabata aden.

Opinion ta un seccion di **Bon Dia Aruba** specialmente pa brinda oportunidad na lectoran individual pa expone nan opinion. Contenido publica di ningun manera ta refleha opinion di **Bon Dia Aruba** y ta pa responsabilidad exclusivo di e organisacion/individuo cu ta ofrece esaki pa publicacion. **Bon Dia Aruba** ta reserva e derecho di no publica texto ofreci, si esaki segun e medio no ta cuadra cu e norman di decencia cu nos ta mantene, pa evita contenido cu ta innecesariamente ofensivo. Esaki suheto na evaluacion exclusivo di **Bon Dia Aruba**.

OPINION



Skirbi pa Parlamentario Evelyn Wever-Croes

Nombracion politico, di fotografo pa consehero. Unda integridad a keda?

Durante e eleccion ultimo, partido Futuro a haci hopi promesa fuerte cu nan lo ta otro. Profesionalisacion di e aparato gubernamental, Transparencia den nombramento, No mas “friends & family”, sino solicitud habri y oportunidad igual pa tur hende. Pa hopi 7351 persona, esey tabata un bien-to fresco. Pero e realidad, lamentablemente, ta net contrario.

Mi a ricibi informacion cu candidato # 7 riba e lista di Futuro, fotografo den e gabinete anterior pa Minister Geoffrey Wever, a wordo nombra sin ningun solicitud habri como consehero na ministerio di Minister Gerlien Croes, ambos ta minister pa partido Futuro. E mesun hende, cu mesun background, sin ningun formacion adicional of experiencia

relevante, ta wordo promovi directamente pa un funcion cu mas responsabilidad y un salario mas halto. Esaki no ta redo, esaki ta realidad.

Pa esey, mi a haci pregunta formal na tanto Minister Gerlien Croes como Minister Arthur Dowers, cu ta responsabel pa asunto di personal. Mi kier sa a base di kico e nombramento aki a tuma luga, y si e posicion a wordo habri pa aplicacion publico. Si Departamento di Recurso Humano a duna conseho, y si nan conseho tabata positivo. Y mas importante: si esaki ta cuadra cu e promesanan cu Futuro a haci den campaña. Pasobra con nos por pidi confianza di pueblo, si nos mes ta kibrando e regla cu nos a compromete pa sigui!

Tur partido politico cu ta tuma nan mes serio sa: bo credibilidad ta bo capital mas

importante. Si bo ta lucha contra nepotismo, bo no por privilegia bo propio hendenan sin duna transparencia. Esaki no ta afecta solamente bo partido, pero tambe e confianza den nos democracia.

E caso aki no ta solamente tocante un persona. E ta tocante algo hopi mas profundo: integridad di gobernacion. Hende hoben, profesional y hende cu tin ideal, ta perde confianza ora nan mira cu lealtad politico tin mas balor cu preparacion, habilidad y competencia. Aruba merece hopi mas cu esey. Aruba merece transparencia, honrades y lidernan cu ta cumpli cu nan palabra.

Mi ta haci un yamado na Minister Croes pa, den cuadro di transparencia, duna claridad total riba e nombramento aki. Y mi ta spera cu Minister Dowers lo tuma su



responsabilidad como vigilante di bon maneho di personal. Si nos di berdad kier construi un Aruba mas fuerte

y husto, nos mester cuminsa cu cumpli cu nos mesun principionan.

Dialuna anochi a drenta informe di un accidente na e rotonde di Sasaki, mesora a dirigi un patruya na e sitio.

Na yegada di e patruya a bin compronde cu aki ta trata di un accidente pa falta di preferencia unda e chauffeur di un Pick-up no a para duna preferencia na un Van.

Afortunadamente ningun hende a resulta herida.

Accidente pa falta di preferencia na rotonde Sasaki



Polis a para un auto pa control na Santa Cruz



Dialuna anochi polisnan atento riba cayanan di Aruba a tuma nota di un auto y a dicidi pa para esaki pa un control dilanti di domino's Pizza na Santa Cruz. Mesora a para e auto aki y a pidi e chauffeur pa baha pa atende cun'e.

Polis y ambulance a bay pa un auto cu lo a dal un peaton na Dreamhouse na Brazil

Dialuna anochi a drenta informe di un accidente cu hende herida dilanti Dreamhouse na Brazil, mesora a dirigi tanto polis como ambulance na e sitio.

Na yegada di e patruya a bin compronde cu aki ta trata di un accidente unda e chauffeur cu a bay reverse e no a mira un persona pasando y e auto a mishi cun'e y a dal e bent'e abao.

E impacto no tabata fuerte pero e caida por tabata peligroso y pa mas siguransa



ambulance a hiba e victima levemente herida pa un con-

trol mas extenso pa Centro Medico.

Despues di candela mortal, un ciudad den Massachusetts lo ricibi mas cu \$1 miyon pa aumenta personal di emergencia

(AP) — Gobernador di Massachusetts, Maura Healey, a anuncia diamars cu e estado lo crea fondo pa mehora personal pa seguridad publico den ciudad di Fall River, despues di un candela den un cas di cuido cu a mata 10 hende siman pasa.

E candela di 13 di juli na Gabriel House tabata e candela mas mortal den e estado den mas cu cuater decada. E candela a causa cu algun residente a keda pega na bentananan di e edificio di tres piso, gritando pa yudansa. Miembronan di bombero local a bisa cu falta di personal di emergencia den e ciudad a haci accion rapido mas dificil y a



contribui cu e candela a bira mas mortal. E candeladen e ciudad obreiro den sur di Massachusetts ainda ta bou investigacion, pero esaki a subraya e falta di regulacion pa casnan di cuido cu regularmente ta cuida pa residentenan cu salario abao of algun tipo di incapacidad.

Despues di un reunion cu oficialnan local, Healey a anuncia cu e estado lo aloca \$1,2 miyon pa Fall River pa contracta mas personal pa respuesta di emergencia. E tambe a bisa cu fondo adicional lo ser acelera pa programanan estatal di staf pa seguridad publico den municipalidad.

“Nos ta aki awe pa scucha, pa sigura cu nos comprende kico e comunidad aki tin mester awor y den futuro despues di e tragedia aki,” Healey a bisa.

Healey a bisa siman pasa cu un agencia estatal encarga cu cumplimiento regulatorio den casnan di cuido lo investiga tur 273 cas den Massachusetts pa sigura cu nan ta prepara pa protege residentenan durante situacionnan di emergencia. Diamars el a confirma cu e trabou ya a cuminsa.

Mas despues den dia, e fiscalia di distrito di Bristol County tabata planea pa tene un conferencia di prensa pa duna un actualisacion tocante e investigacion. Aunke e causa di e candelanan no a ser determina, autoridannan a bisa cu e no ta parece sospechoso.

E fiscalia a identifica Halina Lawler, di 70 aña, como e decimo victima dialuna. E victimanan di e candelatabata entre 61 y 86 aña di edad.

Un residente di Gabriel House a presenta un demanda dialuna, alegando cu e centro no tabata bon administra, no tabatin suficiente personal of no tabata bon manteni, unda no a aplica reglanan pa residente “y cu proceduranan pa respuesta di emergencia no a ser implementa.”

Steven Oldrid, cu tabata pega den su camber durante e can-

dela, tabata den un “condicion fisico debil” ora el a sufri di inhalacion di huma y a perde conocimiento, segun e keho presenta na Corte Superior di Bristol County. Como resultado, Oldrid ta bisa cu su movilidad a empeora y cu e tin gastonan medico halto pa tratamiento.

George K. Regan Jr., vocero pa e centro cu ta pertenece na Dennis Etzkorn, no a responde inmediatamente na un email pa comenta riba e demanda. Tambe a laga un mensahe telefonico pa abogado di Oldrid.

Firma legal pa daño publico Morgan & Morgan tambe a bisa siman pasa cu nan a ser contrata pa investiga e candela pa un famia di un di e victimanan.

Emily Walsh, gerente di comunicacion di Morgan & Morgan, a bisa cu ya nan a cuminsa investiga si e centro tabatin suficiente personal, si personal tabata ricibi e entrenamiento corecto, y si tabatin violacion di codigonan of fracaso den equiponan di seguridad contra candela.

Etzkorn a bisa cu e ta cooperando cu e investigacionnan. Gabriel House a publica un declaracion dialuna enfatisando cu ta importante pa sa “precisamente kico a causa e catastrofe aki y si tabatin factornan cu a empeora e situacion.” E declaracion a agrega cu e centro ta pone prioridad riba seguridad di residente.

“Mantene cumplimiento cu tur codigo di seguridad y di edificacion semper tabata nos prioridad, y tabatin inspeccionnan trimensual di e sistema di supresion di candela – e ultimo tabata apenas cinco dia prome cu e candela a pasa,” segun e vocero di e centro.

Resultado Sorteo Juli 22			
Cadena Alexander Lottery ta presenta resultado di weganan di suerte			
DIARIO	KORSOU	SUPER4	FLAMINGO
8141	8369	0452	6533
1089	0265	SUPER5	3141
0676	4919	-	0484

MERDIA	ANOCHI																												
 Sorteo # 4688 7944 4499 4587  X2  Sorteo # 4688 6546  X2  Sorteo # 2744 5074  Sorteo # 4688 3592 Leo  Sorteo # 1562 155  X2	 Sorteo # 8602 9296 3188 4021  FP  Sorteo # 7646 0932  FP  Sorteo # 2351 1044  Sorteo # 6405 4900 Aries  Sorteo # 1335 310  FP	 Sorteo # 0 x Jackpot 0 x Match 4+ 0 x Match 4 0 x Afl. 12,00  Sorteo # 6894 0 x Jackpot 3 x Match 4 126 x Afl. 8,00  Sorteo # 1786 0 x Jackpot 0 x match 4 2 x Afl. 500,00 52 x Afl. 50,00 61 x Afl. 15,00   Sorteo #	<table><tr><td>Joker</td><td>Letter</td></tr><tr><td colspan="2">Proximo Jackpot</td></tr><tr><td colspan="2">265.000,-</td></tr></table> <table><tr><td colspan="2">02-05-24-27-28</td></tr><tr><td colspan="2">Proximo Jackpot</td></tr><tr><td colspan="2">52.000,-</td></tr></table> <table><tr><td colspan="2">07-16-22-27</td></tr><tr><td>Mega Ball</td><td>15</td></tr><tr><td colspan="2">Proximo Jackpot</td></tr><tr><td colspan="2">290.000,-</td></tr></table> <table><tr><td colspan="2">Afl. 420.000,-</td></tr></table> <table><tr><td>#VALUE!</td><td>Sorteo # 209</td></tr><tr><td colspan="2">231986</td></tr></table> 	Joker	Letter	Proximo Jackpot		265.000,-		02-05-24-27-28		Proximo Jackpot		52.000,-		07-16-22-27		Mega Ball	15	Proximo Jackpot		290.000,-		Afl. 420.000,-		#VALUE!	Sorteo # 209	231986	
Joker	Letter																												
Proximo Jackpot																													
265.000,-																													
02-05-24-27-28																													
Proximo Jackpot																													
52.000,-																													
07-16-22-27																													
Mega Ball	15																												
Proximo Jackpot																													
290.000,-																													
Afl. 420.000,-																													
#VALUE!	Sorteo # 209																												
231986																													





Cas Di Cultura

Vondellaan 2 Aruba
297-582-1010

F A D A

Campanastraat 5 Aruba
297-583-2999
297-583-9610

F A V I

Primavera 233 Aruba
297-582-5051
297-582-5222

F E P O

Engelandstraat 15 Aruba
297-583-1016
297-583-6607

**Fundacion Contra
Violencia Relacional**
Tel: 583-5400

Fundacion Autismo Aruba

Irenestraat 21 Aruba
297-588-1179

Fundacion Pa Nos Muchanan

Cumana 2 Aruba
297-583-4247

Fundacion Tel Pa Hubentud

Wilhelminastraat 19
Aruba
297-588-6138

Koningin Wilhelmina Fonds

Spinozastraat 9 Aruba
297-582-0412

Mary Joan Foundation

Sabana Blanco 8 Aruba

297-588-9999

Rode Kruis Aruba

Pedro Gallegostraat 14
Tel. 297-582-2219

Fax 588-3376

Famia Planea (SBVO)

Avenida Milio J Croes 17
B Aruba

297-588-9591

www.famiaplanea.org
famiaplanea@hotmail.com

Stichting Fundacion Guia Mi

George Madurostraat 34
297-582-0088

Y M C A

Calbasstraat 1 Aruba
297-582-3072

AL-ANON group

Sabana Liber #8, Noord
(close to the hotels)
Tel: 736-2952 or
593-7081



Dokter na warda

Oranjestad **San Nicolas**
Hospital **Imsan**
7:00 pm / 10:00 pm **24 ora**

Botica na warda

Oranjestad: **San Nicolas:**
Oduber : **Aloe:**
Tel. 582 1780 Tel. 584 4606

EMERGENCIA **911**

POLIS

Oranjestad **100**
San Nicolas **104**
Santa Cruz **105**
Noord **107**
Tip Line **11141**
Brandweer **115**
Ambulance **911**
Hospital **527-4000**
Imsan **524-8833**
Warda Costa **913**
Seguridad Nacional **11911**
Cruz Cora **582-2219**

BOTICA

Aloe **584-4606**
4 Centro Medico **584-5794**
Central **585-1965**
Dakota **588-7364**
Del Pueblo **582-1253**
Eagle **587-9011**
Kibrahacha **583-4908**
Maria **585-8145**
Di Servicio Noord **586-4606**
Oduber **582-1780**
Paradera **588-6638**
San Lucas **584-5119**
Santa Anna **586-8181**
Santa Cruz **585-8028**
Sero Preto **584-4833**
Trupial **583-8560**

UTILIDAD

Setar **117**
Web **525-4600**
Elmar **523-7147**

FUNERARIA

Aurora **588-6699**
Royal Funeral H. **586-4444**
Ad Patres **584-2299**
Olive Tree **584-8888**

Servicio di Taxi

**Aruba Transfer Tour &
Taxi C.A.**

Tel: 582 2116 / 582 2010

Taxi Adres Services (24h)

Tel. 587 5900

A1 Taxi Services Aruba

Tel: 587-8850

Tel: 280-2828

Whatsapp: 592-7024

Parlamento di Ucrania ta aproba ley cu ta debilita agencianan anti-corrupcion y pueblo ta disgusta

(AP) — Parlamento di Ucrania a aproba un legislacion diamars cu ta fortalece supervision riba dos agencia anti-corrupcion, pero criticonan ta bisa cu e medida por significativamente debilita nan independencia y duna mas poder na e circulo di e presidente Volodymyr Zelenskyy riba investigacionnan.

Combatimento contra corrupcion structural ta crucial pa e aspiracion di Ucrania dreठा Union Europeo (EU) y pa sigui haya biyones di dollar den ayudo for di Merca y otro paisnan occidental. Paso di e legislacion aki a causa indignacion publico den Ucrania, y un protesta tabata programa pa diamars den Kyiv.

E cambianan lo otorga poder nobo na fiscal general riba investigacionnan y casonan cu ta ser trata pa e Oficina Nacional Anti-Corrupcion di Ucrania (NABU) y e Fiscalia Specialisa Anti-Corrupcion (SAPO).

“Efectivamente, si e ley aki bira ley oficial, e hefe di SAPO lo bira un figura simbolico, mientras NABU lo perde su independencia y bira un subdivision di e fiscalia general,” segun un declaracion conhunto di e dos agencia riba Telegram.

Awor e ley ta bay na Zelen-



skyy pa su firma of veto.

Den un publicacion riba X, Notario di Expansion di EU, Marta Kos, a expresa preocupacion riba e voto den Rada (parlamento di Ucrania), y a yam’e un “paso serio patras.”

Kos a agrega: “Organisacionnan independiente manera NABU y SAPO ta esencial pa e caminda di Ucrania pa dreठा EU. E respet pa ley ta den e centro mes di negociacion pa union.”

E seccion local di Transparency International na Ucrania tambe a critica e decision di parlamento, y a bisa cu e medidanan ta “mina un di e reformanan mas importante for di e Revolucion di Dignidad den 2014” y ta afecta confianza cu partnernan in-

ternacional.

E grupo a pidi Zelenskyy pa veto e ley, y a adverti cu si no haci esaki, e lo comparti responsabilidad cu e Rada pa desmantela e infraestructura anti-corrupcion di Ucrania.

Dialuna, e agencia di seguridad interno di Ucrania a detene dos funcionario di NABU sospecha di tin laso cu Rusia, y a registra otro empleadonan di e agencia den investigacionnan no relaciona.

Oficina di Zelenskyy no a responde na peticion pa comenta. Siman pasa, e presidente a haci un cambio den su gabinete di guera, un movimiento cu hopi hende ta considera como un manera pa consolida mas poder den su circulo interno.

Pronostico di tempo

Tempo:
Awe nochi: parcialmente nubia y generalmente seco
Den marduga y mañan: parcialmente nubia cu un awasero breve

Temperatura maximo 33 grado Celsius
Temperatura minimo 27 grado Celsius
Indice di calor (heat index) den y rond di oranan di merdia: 34 pa 40 grado Celsius
UV index: 12

Bahada di solo : 7:09 pm
Subida di solo : 6:18 am

Biento:
Modera te basta fuerte for di direccion oost; Forsa 4 te 5 (20 te 39 km/ora, 11 te 21 nudo)

Den dia fuerte te posiblemente duro den rafaga; Forsa 6 te 7 (40 te 61 km/ora, 22 te 33 nudo)

Situacion general di tempo:
Humedad persistente den area, lo pone cu de bes en cuando mas nubia lo riba region local y produci algun awasero breve. Un proximo ola tropical ta aproximando parti oost di Caribe y lo pasa den region bay west durante di mañan diamars pa diaranson.

Condicionnan maritimo/ estado di lama:

Na partinan protegi di costa: keto, rond di 1 pia.
Na partinan zuid: trankil te modera cu olanan di 1 pa 3 pia.
Na partinan oost te



noordwest di costa; modera te localmente poco bruto cu olanan di 4 pa 7 pia, localmente 8 pia.

Aviso/ alerta:

Un aviso pa boto chikito ta na vigor pa partinan oost, noord te noordwest di area di costa. Cautela mester wordo eherce riba lama habri.

Aurora

Royal Pray

Funeral Home & Crematory

Hesus a bisé: Ami ta e resurecshon i e bida; esun cu kere den mi lo biba, maske e muri.
Juan 11:25

Cu inmenso tristeza na nos curason pero conforme cu boluntad di Dios, nos ta anuncia fayecimento di



Antonio Constantius Tromp
Mihor conoci como “Tony”
★19-04-1942 - † 15-07-2025

Na number di su:

Esposa stima: † Mary Edith Tromp-de Lange

Yiunan:

Isaira y Raymond “Raimy” Davelaar-Tromp
Eldrich y Yuraima Tromp-Ruiz

Nieta(o)nan: Rayanne Davelaar
Zhayron Davelaar
Qizianne Arends

Mayornan:

† Constantino Reginaldo y † Ines Virginita Tromp-Ruiz

Rumannan:

† Urbanus Reginaldo y † Faustina Maria Tromp-Boekhout
Catharina Virginita y Carlos Antonio Sánchez-Tromp

Swa y cuñanan:

† Ruben y † Albertina de Lange- del Valle y famia
† Miles y † Maria de Lange-Gonzalez y famia
† Joaquina “Ina” y † Alberto Yrausquin-de Lange y famia
† Clever y Carlos Paneflek-de Lange y famia
† Everett y † Carmencita de Lange-Pieters y famia
† Natividad “Navi” y Mercedes “Sela” de Lange-Maduro y famia
† Grecia y Hugo Kock-de Lange y famia
† Mildred y Eroid Bakmeyer-de Lange y famia

Con suegro y suegranan:

† Otto y Myrtha Davelaar-Kock
† Thomas y Maria Christina Ruiz-Tromp

Sobrino, sobrinanan, primo y primanan

Bon amiganan di cas:

Amparo Wever, Judith y Michelle Laclé

Ihanan:

Tinito Hansen
Nyanne Hinds
Gunnar Leonardo

Un danki di curason na Junaica Donato di CUIDO Healthcare Services.

Famianan: Tromp, de Lange, Davelaar, Ruiz, Sánchez, Boekhout, Yrausquin, Paneflek, Gonzalez, Pieters, Kock, Bakmeyer, Maduro, Figaroa, Kelly, Semeleer, Flanegien, Semerel, Trimon, Yarzagaray, Wever, Laclé, Hansen, Hinds y Leonardo.

Ta invita tur famia, conocirnan, su bon bisiñanan, amigonan di RKSv Scherpenheuvel na Curacao, Aruba y Bonaire, pa e **acto di condolencia** cu lo tuma lugar diaranson 23 juli 2025 for di 7 pa 9 or pm na Aurora Funeral Home.

Acto di entiero lo tuma lugar diahuebs 24 juli 2025 for di 2or pa 4or pm na Aurora Funeral Home despues pa Santana Catolico na playa.

Nos disculpa si den nos tristesa, nos por a lubida un of otro famia.
Nos ta lamenta cu despues di entiero nos no ta ricibi bishita di condolencia na cas.

Aurora

Royal Pray

Funeral Home & Crematory

“Señor ta mi wardador, mi’n tin falta di nada. Den cunucu di yerbe berde e ta ponemi sosega. E ta hibami na awa trankil, Pa mi bolbe haña forsa”. Salmo: 23

Cu profundo sentimento, pero conforme cu Dios su boluntad a bay sosega den braza di señor:



Sra. Casimira Thijzen-Boekhout
(Chimina)

★4 maart 1944 – †14 juli 2025

Vda. di †Nicolaas (Jaty) Thijzen

Yiu di †Basilio Boekhout y †Anna Maria Boekhout-Croes

Na number di su yiunan:

Dennis y Gina Thijzen-Jansen
Gilbert y Amparo Thijzen-Alzate

Nietanan y nieto stima:

Genisha Thijzen y Bryan Figaroa
Anton Thijzen
Jasmira Thijzen
Jenny Bernal Alzate y Jerry Jones y yuinan

Su rumannan:

Ruperta (Betty) Boekhout y †Alejandro (Janjo) Boekhout
Irma Boekhout
†Aura Nicolaas-Boekhout y †George Nicolaas
Louisa Arends-Boekhout y Ronny Arends
†Elka Boekhout
Erna Croes-Boekhout y Herbert Croes

Su sua y cuñanan:

†Maga Oduber Thijzen y †Joaquin Oduber
†Sirio Thijzen y †Titi Thijzen-Lopez
†Teresita (Chita) Thijzen
†Gregorio Thijzen y Sixta Thijzen-Kock
†Robby Thijzen y Lienchi Thijzen-Jansen
†Arcangel Thijzen y Alda Thijzen-Tromp

Su sobrino y sobrinanan:

Raymond y Jaidy Boekhout-Alfaro Luna y famia
Mariska y Michael Lin-Boekhout y famia
Alvin y Jessica Boekhout-Kelly y famia
Ricky y Jennifer Arends-Reyes y famia
Ivan y Fernanda Thijzen-Villa Real y famia
Anthony Thijzen
Dayenne Thijzen
Jeanira Thijzen y Dolfi Werleman y famia
Lucienne Thijzen
Marion Thijzen y Xiomara Wernet y famia
Shamaira Thijzen
†Rodney y Roxana Thijzen-Nadall y famia
†Gregory y Janet Thijzen-Navas y famia

Tanta grandi:

Ida Maria Croes y famia
Magarita (Ita) Croes y famia

Suegro y suegra: †Clemente Thijzen y †Leonilda Thijzen-De Mey

Consuegra:

Sra. Vda. Lucila Alzate-Castaño
†Margriet Jansen-Laclé

Su amistadnan di cas: Belinda y Kito Maduro y famia, Nando y Bernadette Schouten, Violeta Orman, Trudy Thiel, Meya

Na number di tur su ihanan, comer y compernan, primo(a)nan y su bon bisiñanan

Demas famia: Boekhout, Thijzen, Jansen, Alzate Castaño, Jones, Nicolaas, Arends, Croes, Oduber, Lopez, Kock, Tromp, Kelly, Lin, Reyes, Werleman, De Mey, Laclé, Feliciano, Navas, Ras, Erasmus, De Cuba, Camacho, Paskel, De Kort, Wouters, Dubero, Fingal, Figaroa, Alberts, Dirks, Robert, Ruiz, Damian, Barrera, Rasmijn, Luidens, Wernet, Nadall, Yarzagaray, Bislick y Van Aardenne-Croes.

Na lugar di flor of krans lo aprecia un donacion pa un bon causa na Stichting H.O.P.E. Foundation (Helping Our Precious Eldery), lo tin un box disponible.

Nos disculpa si den tristeza nos por a lubida cualkier famia/conocir.

Ta invita pa e acto di entiero y condolencia cu lo tuma lugar diaranson 23 di juli 2025 na Royal Funeral Home for di 9:00am pa 10:30am, sigui pa e respons entre 10:30am pa 11:00am. Despues lo sali pa Santana Catolico Pastoor Kranwinkel na Paradera.

Nos ta lamenta cu despues di entiero nos no ta ricibi bishita di condolencia na cas.

Aurora

Royal Pray

Funeral Home & Crematory

Promise me you
‘Il always remember:
You’re braver than you believe,
Stronger than you seem,
Smarter than you think,
And loved more than you know



Life’s A Dance

Maria Antoinette Luidens-Koolman
★17-01-1963 †18-07-2025

Na number di su:

Esposu: Cesaer G.A. Luidens

Yiu: Eugene C.P. Luidens & Sharifa Kabir

Mayornan: †Agripino & Magdalena Koolman Kelly

Rumannan: Rudy & Amelia Koolman Avalos

Vda. Francisca Afework Koolman

Egidio & Yaneth Koolman Brand

†Luis & Adriana Koolman-Arenas

Michael Koolman

Ronny & Elly Koolman-Salcedo

Corie & Enrique Tromp Kelly

Sua y cuñanan:

Marisela & Cedric Bronswinkel Luidens y yiuinan

Marlene & Luis Palomino Luidens y yiuinan

Jenny Luidens y yiuinan

Stephen Luidens y yiu

Subrino y subrinanan: Rudolf & Marylaine Koolman-Lopez, Luis Antonio & Rachel Koolman Weller, Raymond & Stephany Koolman Croes, Austin Afework, Akhnaton & Tara Afework O’Mahony, Abraham Afework & Gwendolyn Magalona, Alejandro Martinez-Brand, Andreina Koolman, Dwight Koolman, Germaine Koolman, Genevieve Koolman, Shawn Ray Koolman, Rouel Koolman, Edson Tromp Jr., Edmely Tromp, Felipe Bustamante, Enrico Tromp, Zurissa Tromp

Omo y tantanan: Hose Kelly & famia, † Petra Ruiz & famia, Yoyo Jelten & famia, Sira Chong & famia

Comer y Comper:

Deta Christiaans y Cedrick Bronswinkel

Ihanan: Germaine Koolman, Jessica Ruiz, Jared De Los Santos-Leclect

Amiga y amigonan di cas: Truus Figaroa, Etchi Bronswinkel, Yvonne Peterson, Betty Zorilla-Jaramillo, Anoushka Trimon, Larissa De Cuba, Roy Kelly, Frido Semeleer

Famia di Ennia Aruba: Tur e coleganan y ex-coleganan di Ennia cu a forma parti di su bida pa 46 año.

Famia: Koolman, Kelly, Luidens, Figaroa, Afework, Avalos, Brand, Arenas, Ruiz, Vries, Wolf, Bronswinkel, Hieroms, Trimon, Engelhart, Giel, Diaz, Tromp, Christiaans, Rosel, Chong, Jelten, Fortuin, Croeze, Van Eer, Croes, Lopez, Weller, Martinez, Bustamante, O’Mahoney, Kerkhoff, Diaz,

Nos ta lamenta cu despues di entiero nos no ta ricibi bishita di condolencia na cas.

Nos ta invita tur famia y conocirnan pa asisti na e **acto di condolencia** cu lo tuma lugar Diabierna 25 di juli 2025, di 7or pa 9or di anochi na Royal Funeral Home.

Alabes, nos ta invita pa asisti na e **acto di Entiero** cual lo tuma lugar Diasabra 26 di juli 2025, di 9or pa 11or di mainta na Royal Funeral Home despues pa santana na Catolico na Noord.

Nos disculpa si den nos tristesa, nos por a lubida un of otro famia.

Aurora

Royal Pray

Funeral Home & Crematory

"Señor ta mi wardador, mi'n tin falta di nada. Den cunucu di yerba berde e ta ponemi sosega. E ta hibami na awa trankil, Pa mi bolbe haña forsa". Salmo: 23

Cu dolor na nos curason, pero conforme cu Dios su boluntad, nos ta participa fayecimento di nos ruman, omo, primo y amigo stima:



Sixto Marcelino Hernandis
mihor conoci como: "Iyo"
★14 April 1960 – †17 Juli 2025

Mayornan:

†Maria Clarita Tromp
†Victoriano (To) Hernandis

Na number di su:

Rumannan:

Albertico y †Helia Hernandis-Winterdaal
Jolanda y Orlando Wernet-Hernandis
†Victor (Benny) Hernandis
Ciska Hernandis
Rafael Hernandis
Marieta Hernandis y Hugo Baarh
Calucho Hernandis
Rina y Garlon Hasham-Hernandis

Sobrino y Sobrina nan:

Sharline Hernandis y yiu
Jairo y Nella Wernet y yiu
Jeanice y Angelo Kelkboom-Wernet y yiu
Jillianne y Dieter Nicolaas-Wernet y yiu
India Hernandis y Simon Smeets
†Jaisley Boekhoudt
I-Jon Boekhoudt y yiu
Tiara Hernandis y yiu
Stefany Hernandis y Michael Quant y yiu
Rahaylee Hernandis
†Hugmar Baarh
Gerald Baarh
Nash Baarh y Jeannira Felix
Jean Carl Hernandis
Jean Claude Hernandis y Ziziënne Flanegin y yiu
Jean Marie Hernandis
Aislinn Hernandis y yiu
Gabriella Hasham
Chelsey Hasham

Amigonan di cas:

Isabel Munera y famia
Dolfi Werleman y famia

Tur primo, prima nan y demas famia
Tur su bon amigo nan, bisiña nan y conocirnan.
Danki special na Koningin Wilhelmina Kanker Fonds, Lite Life Medicab.

Ta invita pa e acto di entierro cual ta tuma luga diasabra 26 di juli 2025 di 2or pa 4or na Aurora Funeral Home na Cumana, despues lo sali pa Santana Central na Sabana Basora.

Nos disculpa si den nos tristesa nos por a lubida un of mas persona cu ta yega na nos curason. Despues di entierro no ta ricibi bishita di condolencia na cas.

Enbes di flor of krans lo tin un box disponibel pa donacion na Koningin Wilhelmina Kanker Fonds.

Aurora

Royal Pray

Funeral Home & Crematory

"Señor ta mi wardador, mi'n falta di nada. Den cunucu di yerbe berde e ta ponemi sosega. E ta hibami na awa trankil, pa mi bolbe haña forsa " Salmo: 23

Cu inmenso dolor pero conforme cu Dios su boluntad, nos ta anuncia morto di nos ser kerí:



Verina Filomena Odor
miho conoci como 'Vera'
★14 mei 1947 - †17 juli 2025

Na bida Directora di Big Wheel Lottery
Yui di †Cai Odor y †Memechi Odor-Everon

Na number di:

Su pareha: Reginaldo "Nady" Wever y famia

Su rumannan:

Carlos "Shon Cai" Odor y Swinda Lopez y famia
Eric y Annelies Odor
John y Lidia Odor y famia,
Phil y Uti Odor y famia
Nivia Loopstok
Omar Boekhoudt y famia
Orvin Boekhoudt y famia
Livia Ridderstap

Ihanan, sobrino y sobrinanan, primo y primanan, amigo y amigonan, bisiñanan, ex-colleganan di ALM, staff y personal di Big Wheel Lottery y demas famia na Aruba, Corsow, Hulanda, St.Maarten, Costa Rica, Spanje, y Merca.

Demas famia: Odor, Everon, Wever, Loopstok, Boekhoudt, Ridderstap, Maduro, Croes, Lejuez, Diaz, Carrion, van der Linden, Kelly, Tromp, Harms, Calister, Padia, Palacios-Frambach, Vingal, Solognier y Briceño.

Nos ta anuncia e **acto di entierro** ta tuma lugar diabierna 25 di juli 2025 di 1or pa 4or na Aurora Funeral Home.

Despues ta sali cu nos defunto stima pa Santana Catholico na Playa.

Nos ta gradici tur zusternan y dokternan di HOH y team di Fundacion H.O.P.E. pa nan atencion y cuido na nos defunto stima.

Si den nos tristesa nos por a lubida algun famia, amigo of ser kerí, nos sincero disculpa.

Nos ta lamenta cu despues di entierro, nos no ta ricibi bishita na cas.

Aurora

Royal Pray

Funeral Home & Crematory

Mira con Dios a Salba mi,
Tur mi confiansa ta riba dje
Mi'n tin miedo
Laga tur loke ta spera mi ta bunita
Laga tur locual cu mi encontra na caminda ta bunita
Laga tur loqual cu mi laga atras keda bunita y
Laga esakinan termina den tur buniteza.



Cu inmenso tristeza na nos curason pero conforme cu boluntad di Dios, nos ta anuncia fayecimento inespera di

Ludwica B. Henriquez Gomez
"Mama Wica"
★10-10-1949 - †21-07-2025

Acto di entierro lo wordo anuncia despues.

Aurora

Royal Pray

Funeral Home & Crematory

Drenta su portanan cu gradicimento, drenta su tempel cu cantica di alabansa, glorific'e, bendiciona su Number. Salmo 100:4

Cu dolor na nos curason, nos ta participa fayecimento di nos ser stima:



Sra. Juliana S. Laclé-Croes
Cariñosamnete yama "Lica"
★09-01-1948 - †22-07-2025

Acto di entierro lo wordo anuncia despues

Aurora

Royal Pray

Funeral Home & Crematory

"Dios ta amor... y amor ta Dios, maske mi no ta na e mundo aki, tur dia lo mi ta banda di boso curason, mi por steun di loke Señor ta haci"
Salmo 33




Cu dolor na nos curason, nos ta participa fayecimento inespera di nos ser stima:

Sr. Walter M. Van der Biezen
★28-02-1964 - †21-07-2025

Acto di entierro lo wordo anuncia despues

Departamento di Husticia kier papia cu ex pareha di Jeffrey Epstein, Ghislaine Maxwell



(AP) — E Departamento di Husticia ta desea di papia cu Ghislaine Maxwell, ex pareha di Jeffrey Epstein cu a ser condena pa yuda e financiero sexualmente abusa di muchanan menor di edad y cu awor ta sintando un condena largo den prison, segun un oficial halto diamars.

Si Maxwell “tin informacion tocante cualkier hende cu a comete delito contra e vic-

timanan, e FBI y e Departamento di Husticia ta dispuesto pa scucha loke e tin di bisa,” segun Subfiscal General Todd Blanche den un publicacion riba X, agregando cu president Donald Trump “a ordena pa nos publica tur evidencia creibel.” Un abogado pa Maxwell a confirma cu tin dialogo cu gobierno.

E paso pa papia cu abogado donan di Maxwell, ken den 2022 a ser sentencia pa 20 aña

di prison, ta parti di un esfuerso continuo di e Departamento di Husticia pa presenta su mes como transparente, despues di criticanan fuerte di parti simpatisadonan di Trump pa motibo di un rechaso anterior pa publica mas documento den e investigacion contra Epstein.

Como parti di e mesun esfuerso, e Departamento di Husticia, na direccion di e presidente Republicano, a

pidi corte siman pasa pa habri transcriptonan di e gran hurado relaciona cu e caso.

Epstein, ken a tuma su mesun bida den un cel di prison na New York den 2019 mientras e tabata warda pa su hucio, a sexualmente abusa di muchanan durante mas di un decada, a explota muchanan vulnerabel for di 14 aña, segun autoridadnan. Fiscalnan a bisa cu e no por a haci esey sin e yudansa di Maxwell, su pareha di hopi aña.

Departamento di Husticia a bisa den un memo di dos pagina e luna aki cu nan no a haya evidencia pa acusa otro hende den relacion cu e abuso di Epstein. Pero Blanche a bisa den su publicacion riba red social cu e Departamento di Husticia “no ta evita berdad incomodo, ni su obligacion pa busca husticia caminda cu e hecho ta guia nos.”

El a agrega cu, na orden di Fiscal General Pam Bondi, ya el a “comunica cu abogado donan di señora Maxwell pa evalua si e ta dispuesto pa papia cu fiscalnan di e Departamento.” El a bisa cu e ta anticipa un reunion cu Maxwell den e proximo dianan.

Un abogado pa Maxwell, David Oscar Markus, a bisa diamars den un declaracion: “Mi por confirma cu nos ta den dialogo cu gobierno y cu Ghislaine semper lo testifica cu berdad. Nos ta gradici presidente Trump pa su compromiso pa destapa e berdad den e caso aki.”

Dos hues — Paul Engelmayer y Richard Berman — ken lo tuma decision tocante si e transcriptonan di e gran hurado lo ser publica, a nota den ordenan casi identico diamars cu e documentonan por ser publica solamente bou di circunstancianan special.

Nan a bisa cu e Departamento di Husticia “ainda no a duna suficiente informacion.”

Nan a duna un deadline di 29 di juli pa gobierno splica pakico nan kier pa e transcriptonan ser publica y describi con hopi di e informacion a ser publica caba.

Nan tambe kier scucha e victimanan di Epstein y Maxwell prome cu 5 di augustus pa sa si nan ta apoya of ta opone e documentonan ser publica.

Miles di Afgano ta enfrenta posible deportacion despues cu corte a rechasa extension di nan proteccion legal

(AP)—Miles di Afgano cu ta biba na Merca ya no ta protegi contra deportacion despues cu un corte federal di apelacion a rechasa pa pospone e decision di administracion di Trump pa termina nan status legal.

Un panel di tres hues di Cuarto Corte di Apelacion di Merca na Virginia a dicta di aluna anochi cu no tin “bastante evidencia pa hustifica e medida extraordinario di un posponemento” di e decision pa no extende e Temporary Protected Status (TPS) pa hende for di Afganistan y Camerun.

TPS pa Afgano a vence dia 14 di juli, pero a ser extendi temporalmente te dia 21 di juli mientras cu e corte ta considera un peticion urgente pa un extension mas largo.

Departamento di Seguridad Interno (DHS) a bisa na mei cu e ta terminando TPS pa



11.700 Afgano den un periodo di 60 dia. E status aki — cu tabata vigente desde 2022 — a duna nan permiso pa traha y a prohibi gobierno deporta nan.

CASA, un organizacion NGO cu ta defende inmigrantenan, a presenta un demanda contra e decision pa revoca TPS pa Afgano y Camerun, di ken nan proteccion ta vence

dia 4 di augustus. CASA a alega cu e decisionnan tabata racialmente motiva.

Un hues federal a permiti e caso sigui aden, pero no a otorga e peticion di CASA pa mantene e proteccion vigente mientras e caso ta ser trata den corte.

Un mensahe telefonico pa CASA diamars no a ser con-

testa. Sin un extension, obtenedonan di TPS for di Afganistan y Camerun ta enfrenta un “escogencia devastador — bandona nan cas, perde nan empleo, y cambia nan bida pa bolbe pa un pais caminda nan ta enfrenta menasanan serio di daño fisico severo of hasta morto, of keda den Merca den un situacion legal incierto mientras nan ta spera otro proceso di inmigracion,” CASA a adverti den documentonan pa corte.

Den su decision dialuna, e corte di apelacion a bisa cu CASA a presenta un argumento legal “plausibel” contra e administracion, y a apela pa e corte bou di manda move e caso “rapidamente.”

E tambe a menciona cu hopi di e obtenedonan di TPS for di e dos paisnan por ta elegibel pa otro forma di proteccion legal cu ainda ta disponible.

Temporary Protected Status

por ser otorga pa e Secretario di Seguridad Interno na personanan cu ta enfrenta riesgo den nan pais di origen, pa motibo di conflicto arma, desaster natural, of otro condicionnan critico. E status aki ta prohibi deportacion y ta duna permiso legal pa traha den Merca, pero no ta inclui un caminda pa ciudadania.

E proteccion aki ta inherentemente fragil, pasobra ta depende di e Secretario di Seguridad Interno pa renoba e status regularmente — normalmente cada 18 luna. Administracion di Trump a intensifica e esfuersonan pa kita TPS di hende for di siete pais, cu Venezuela y Haiti como e grupo mas grandi den e shen miles di persona afecta.

Oficialnan di Seguridad Interno a bisa den nan decision pa termina TPS pa Afganistan pasobra e situacion den e pais di origen “ta mehorando.”

17 morto den un accidente frontal entre un minibús y truck na Zimbabwe

(AP) — Un colision frontal entre un taxi di minibús y un truck di transporte a mata 17 persona den noordoost di Zimbabwe diamars, polis a bisa.

Vocero di polis, Paul Nyathi, a bisa cu tur 17 victima, incluyendo algun peaton, a muri na e sitio di e accidente, cu a sosode cerca di Chitungwiza, un pueblo densamente pobla mas o menos 25 kilometer leu di e capital, Harare.

Nyathi a bisa cu e truck a bira den e liña contrario y a dal den e minibús despues cu el a perde control. Prome cu e impacto, e truck a dal dos peaton cu tabata cana riba e “isla di caminda,” el a bisa.

Diescincio di e 17 pasaheronan den e minibús a fayece instantaneamente, mientras cu otro nan a keda herida y a ser hiba cu urgencia pa un hospital.

E corant estatal Herald a informa cu e minibús tabata “completamente plat, cu solamente fragmentonan di su chasis visibel for di bou di e garoshi di e truck.”

Metal troci, glas kibra y suishi tabata plama riba caminda mientras rescatistanan tabata traha pa recupera pasaheronan pega, e corant a bisa. E accidente a sucede den oranan di mainta, pero e rescatistanan ainda tabata recuperando curpa den oranan di



merdia, a informa.

Alcalde di Chitungwiza, Rosaria Mangoma, a urgi gobierno pa declara e accidente un desaster nacional, yamando

esaki “un di e escenanan mas perturbador y traumatico” cu e ciudad a presencia.

Accidentenan mortal riba caminda cu ta encera transporte

publico ta comun na Zimbabwe, caminda coremento di velocidad ta generalisa segun cu manehador ta purba di maximalisa biahenan diario. Camindanan mal manteni ta agrega na e peliger.

Na februari, 24 persona a muri den un accident frontal entre un bus y un truck cerca di Beitbridge, na frontera cu Sur Africa.

Zimbabwe, cu un poblacion di mas o menos 15 miyon, ta registra un accidente di caminda cada 15 minuut, matando por lo menos cinco hende diariamente — un di e tasanen di morto mas halto na Africa, segun e agencia nacional di estadistica.

Tormenta Wipha ta yega norte di Vietnam cu biento fuerte y awasero pisa

(AP) — Tormenta Tropical Wipha a yega tera den norte di Vietnam diamars, terciendo biento fuerte y awasero pisa na partinan di e regionnan norte y central di e pais.

E tormenta a yega tera pa 10 a.m. cu bientonan maximo sostiene di 102 kilometer pa ora, segun oficialnan di tempo local.

Wipha a ser clasifica como un tifon dialuna ora e tabata riba awa habri, pero a debilita durante oranan di anochi y a ser baha na un tormenta tropical prome cu a yega tera.

E tormenta a kita coriente den partinan di e provincia di Hung Yen, oost di Hanoi. Residentenan a core bay station di gasolin pa cumpra combustibel pa generator, medionan estatal a informa. E cayanan di e capital, Ha-



noi, tabata casi bashi ora e tormenta tabata moviendo pa tera. Mayoria negoshi tabata cera y e gobierno di e ciudad a conseha residentenan pa keda cas y evacua edificionan cu ta instabil of areanan propenso na inundacion.

“Si e tormenta ta serio, hende no mester sali di tur manera pasobra e lo ta peligroso riba caminda y tambe tin chance di inundacion,” Minh Doan,

un taxista na Hanoi a bisa.

Vuelonan a keda cancela den norte di Vietnam, y aeropuertonan den e ciudad portuario di Hai Phong y e provincia di Quang Ninh a keda cera.

Casi 150.000 hectar di granhanan di acuicultura y mas di 20.000 cabuya di pisca flotante ta core riesgo di inundacion y biento fuerte, segun medionan estatal.

Vietnam a adverti di inundacion mientras cu awasero pisa di Tormenta Wipha ta move pa tera.

Na Filipinas, mas di 80.000 persona ta keda den refugio di emergencia despues di inundacion, deslave y olanan di marea durante fin di siman.

Mayoria di oficinanan di gobierno y scol den e capital y 10 provincia a keda cera diamars debi na inundacionnan generalisa door di awasero pisa di monsoon, y trupanen a evacua residentenan for di pueblonan cu tabata yena cu awa te na rudia mientras cu wardacosta a desplega bus y boto pa yuda pasaheronan pega. Por lo menos tres persona a muri.

E departamento meteorologico di Thailand a adverti di tormentanan di strena y

posibel inundacion repentino di diamars pa diahuebs, specialmente den e parti norte y noreste di e pais, mientras cu e parti sur por experiencia ola di te cu cuater meter. E departamento a conseha boto chikito pa evita di nabega den e periodo aki.

Keintamento global ta haciendo tormentanan manera Wipha mas fuerte y mas humedo, asina Benjamin P. Horton, decano di e Scol di Energia y Medio Ambiente na Universidad di Ciudad di Hong Kong a bisa. Oceannan mas cayente ta duna tormentanan tropical mas combustibel, loke ta conduci na bientonan mas intenso, awasero mas pisa y cambio di patronchi di awasero den henter Oost Asia. “E aumento di temperatura di superficie di lama, alimenta pa cambio di clima, por intensifica e tormentanan aki,” el a bisa.

Un candela forestal grandi na Grecia ta obliga varios pueblo evacua

(AP) — Un candela forestal grandi a plama na Grecia diamars, y autoridadnan a ordena varios pueblo cerca di Corinth, west di Atenas, pa evacua.

Mas cu 180 bombero, 15 avion y 12 helicopter tabata atende e candela forestal den un bosque di pino den e seronan cerca di Corinth, e departamento di bombero a bisa. No tabatin informe inmediato di victimanan.

Condicionnan di tempo tabata particularmente duro pa



bomberonan. Un ola di calor a manda temperaturanan hisa pa alrededor di 40 grado Celsius den hopi parti di e pais.

Mas trempen diamars, un helicopter di bombero a cay den lama y a sink mientras e tabata purba di tuma awa

pa atende un candela separa cerca di Atenas. E tres tripulantenan a ser rescata y transporta pa un hospital.

Candela forestal ta frecuente na Grecia durante su verano cayente y seco, y e departamento di bombero a atende cu decenas den henter e pais e aña aki.

Na 2018, un candela masivo a pasa door di e ciudad canto di lama di Mati, oost di Atenas, atrapando hende den casnan y riba caminda mientras nan tabata purba huy.

Mas cu 100 a muri, incluyendo algun cu a hoga ora nan tabata purba landa bay.